

সাময়িক চিত্র ।

প্রথম ভাগ ।

শ্রীচন্দ্রনাথ দাস ~~প্রণীত~~

কলিকাতা ।

২১১নং কর্ণওয়ালিস স্ট্রীট, ব্রাহ্মমিশন প্রেসে

শ্রীললিতমোহন দাস দ্বারা মুদ্রিত ও

প্রকাশিত ।

মে, ১৮৯৫ সাল ।

(All rights reserved.)

মূল্য ১০/০ আনা ।

TO

The Sacred Memory

His Highness

THE LATE

MAHARAJA CHAMARAJENDRA WODAYAR

BAHADUR, G. C. S. I.

MAHARAJA OF MYSORE

this work is most respectfully

dedicated.

ভূমিকা ।

সাময়িক বিশেষ বিশেষ ঘটনা অবলম্বনে আমি সময় সময় কতকগুলি কবিতা লিখি, এবং তাহা গত কয়েক বৎসরে “বামাবোধিনী পত্রিকায়” প্রকাশিত হইয়াছিল। তাহার কয়েকটি এবং আমার কল্যাণীয়া জ্যেষ্ঠা কন্যা শ্রীমতী কুমুমকুমারী দাস বিরচিত “প্রকৃতি-মাধুরী”, “স্বর্গের ফুল” ও “হৃৎ-স্থতি” এই তিনটি কবিতা লইয়া সাময়িক-চিত্র নামে এই পুস্তক মুদ্রিত হইল। এত শীঘ্র পুস্তকখানি সাধারণের সমক্ষে প্রকাশিত হইবার সম্ভাবনা ছিল না। যে ঘটনাস্থ্রে পুস্তকখানি এক্ষণে প্রকাশিত হইল, তাহার সংক্ষিপ্ত বিবরণ এই :—

গত পৌষ মাসে মহামাণ্ড মহীশূরাধিপতি সপরিবারে মহানগর কলিকাতা পরিদর্শনে আসিয়াছিলেন। দুর্ভাগ্য ক্রমে হঠাৎ পীড়িত হইয়া বেলিয়াঘাটার প্রাসাদে কলেবর পরিত্যাগ করেন। এই শোচনীয় আকস্মিক ঘটনায় সকলেই শোক-সাগরে নিমগ্ন হন, এবং রাজপরিবার প্রবল শোকোচ্ছ্বাসে ভাসিতে ভাসিতে মহীশূরে প্রত্যাগমন করেন। এতদুপলক্ষে আমি একটি শোক-গাথা লিখিয়া “বামাবোধিনী পত্রিকায়” প্রকাশ করি, এবং সহানুভূতিসূচক একখানি লিপিসহ তাহার একখণ্ড মহীশূর-মহারাজার প্রাইবেট সেক্রেটারির নিকট পাঠাই। কিছুদিন পরে মহীশূর-মহারাজী পারিতোষিক-

স্বরূপ আমাকে ১০০ টাকা প্রদান করেন। এই উপহার-লব্ধ টাকার সাহায্যে “সাময়িক-চিত্র” পুস্তকখানি মুদ্রিত হইয়া সাধারণের নিকট প্রচারিত হইল। মহারাণীর এই বিশেষ অনুগ্রহের জন্ত গ্রন্থকার তাঁহার নিকট চিরকৃতজ্ঞ থাকিবেন।

উপসংহারে আমি বিনীতভাবে ও কৃতজ্ঞতার সহিত স্বীকার করিতেছি যে, সিটিকলেজের স্কযোগ্য প্রিন্সিপাল শ্রদ্ধাম্পদ শ্রীযুক্ত বাবু উমেশ চন্দ্র দত্ত বি, এ, মহাশয় অনুগ্রহপূর্ব্বক পুস্তকের আদ্যোপান্ত পাঠ করিয়া আবশ্যক মতে সংশোধন করিয়া দিয়াছেন। তাঁহার এই অবাচিত পরিশ্রম ও সাহায্য ভিন্ন আমি কখনও একাধো কৃতকার্য হইতে পারিতাম না।

স্বর্গীয় মহারাজার পরলোক গমন উপলক্ষে যে কবিতাটি লিখিত হয়, তাহা পরপৃষ্ঠায় মুদ্রিত হইল।

গ্রন্থকার।

বিলাপ ।

কি কঠিন হিয়া তোরা—নিষ্ঠুর শমন,
অঞ্চলের নিধি মা'র করিলি হরণ !
কোল হ'তে কেড়ে নিবি দ্বিতীয়ার চাঁদ,
তাই বুঝি পেতে ছিলি মৃত্যু-রূপী ফাঁদ ?
শ্রীহীন করিলি আজ শ্রীরঙ্গ পট্টন,
শূন্য হ'ল এতদিনে রাজসিংহাসন ।
সতীর মাথার মণি—কবরীর ফুল,
কেড়ে নিলি অকস্মাৎ বুকে বিঁধে শূল ।
নিষাদ শরতে বিদ্ধ বিহঙ্গিনী প্রায়,
ছট্ ফট্ করে সতী মরম ব্যাথায় ।
বিষাদ-কালিমা মাথা ও মুখ কমলে,
শরতের শশী যেন রাহুর কবলে !
পতিশোকে একেবারে স্নখ শাস্তিহারা,
নয়নে বহিছে শত যমুনার ধারা ।
গভীর আঁধার ঘোরে ঘেরেছে হৃদয়,
স্নখের তপন আর হবে কি উদয় ?
প্রবাসের স্নখ যত ফুরাইল সব,
আবাসে চলেছে সতী মুখে নাহি রব !

পতি-সহ গৃহবাস—আশার স্বপন,
 ভাঙ্গিয়াছে একেবারে নিষ্ঠুর শমন ।
 কি কাজ সাত্রাজ্যে তার—পতি নাই যার,
 সংসার শ্মশান তুল্য—অনিত্য অসার ।
 সঙ্গিনী পতির ভস্ম রেখে বঙ্গদেশে,
 দেশে যায় একাকিনী কাঙ্গালিনী বেশে !
 আশা ও ভরসা কত—কত আকিঞ্চন,
 অতল সমুদ্র তলে হলো নিমগন ।
 কে লজ্জিবে বিধাতার অলজ্জ্য বিধান,
 তাঁর কাছে রাজা প্রজা সকলি সমান !
 মরতে অমরাবতী পুরী মহীশ্বর,
 উৎসব আনন্দে সদা ছিল ভরপুর ;
 রাজার অকাল মৃত্যু বার্তা ভয়ঙ্কর,
 বিনা মেঘে বজ্রাঘাত মাথার উপর !
 লক্ষ লক্ষ প্রজা আজি লুটায়ে ভূতলে,
 ভাসাইছে মহীশ্বর নয়নের জলে ।
 কত স্মৃতি ভুঞ্জিয়াছে রাজার শাসনে,
 সকলি জাগিছে আজ তাহাদের মনে ।
 রাম-রাজ্যে যেন তারা করিয়াছে বাস ;
 জগৎ জুড়িয়া য়াঁর যশ স্প্রকাশ,

এমন রাজারে কাল করিলি হরণ,
 কেবা আছে তোর মত নিষ্ঠুর এমন ?
 অপোগণ্ড শিশু আজ হয়ে পিতৃহীন,
 দীন হ'তে সেও যেন হইয়াছে দীন !
 রাজ্যস্বথ ধন মান অতুল সম্পদ,
 সব হ'তে শ্রেষ্ঠতর জনকের পদ ।
 সে পদ সেবনে যেবা না পায় সুযোগ,
 রাজ্য ভোগ তার কাছে করমের ভোগ ।
 পতিশোকে সতি কেন হইছ কাতর ?
 দেবলোকে আজি তাঁর মহা সমাদর ।
 ডেকেছেন বিশ্বমাতা আপনার পাশে,
 প্রবাস ছাড়িয়া তাই গেছেন আবাসে ।
 জরা মৃত্যু নাহি সেথা,—আনন্দ-বাজার,
 যাইতেছে কত যাত্রী হয়ে ভব পার ।
 সেথায় বসন্ত চির বিরাজে কেবলি,
 বহিছে মলয়ানিল—ঝঙ্কারিছে অলি ।
 বিকশিত পারিজাত অতুল মাধুরী,
 কি সুন্দর মরি মরি !—সে অমরাপুরী !
 দেব পতি, মর্ত্যে তব দেবীর জীবন,
 কিছু দিন পরে পুনঃ হইবে মিলন ।

যে ব্রত নিয়েছ সতি—পাল কায় মনে,
 জ্ঞানে ধর্ম্যে শান্তি স্মৃথে পাল প্রজাগণে
 মহীশূর মহীসুর মহিষীর গুণে,
 কতই আনন্দ হয় ওই কথা শুনে !
 ‘স্বর্গদেবী’ মহীসুরে করিছেন বাস,
 এই কথা কোটিকণ্ঠে করুক প্রকাশ !

বিষয় ।	সূচীপত্র ।	পৃষ্ঠা ।
বসন্তকাল	১
মহারানী ভিক্টোরিয়া	৪
অভ্যর্থনা	৫
লেডি ডফারিং	১০
মহারানী স্বর্ণময়ী	১৩
জীবন-প্রভাত	১৭
বীরধাত্রী পান্না	২০
মিবারের কুলপুরোহিতের আত্মত্যাগ	২২
ভারতহিতৈষী মহাত্মা জন্ ব্রাইট	২৮
বীরবালা কৰ্ম্মদেবী	৩২
পূর্ণিমার চাঁদ	৩৬
দেবর্ষি নারদ ও দেবী সাবিত্রীর কথোপকথন	৩৮
সংগ্রাম	৪৫
বীরঙ্গনা কৰ্ম্মদেবী, কর্ণবতী ও কমলাবতী	৪৭
প্রকৃতি মাধুরী	৫০
স্বর্গীয় মহাত্মা ঈশ্বরচন্দ্র বিদ্যাসাগর	৫২
কুমারী ফাউলার	৫৬
মা ও ছেলে	৬২
শোকাক্রন্দ	৬৪
স্বর্গের ফুল	৬৭
লর্ড টেনিসন্	৭০
দুঃখ-স্মৃতি	৭৩
বঙ্কিমচন্দ্র	৭৬
ব্রত	৭৯
বর্ষাকাল	৮৪
দার্জিলিং	৮৮
শরৎকাল	৯১
দাদাভাই নোরজি	৯৩

অশুদ্ধ সংশোধন ।

পৃষ্ঠা	পংক্তি	অশুদ্ধ	শুদ্ধ
৪	৪	সত্রাজ্যে	সাত্রাজ্যে
১৪	১১	পাত্রাপাত্র	জাতিগত
১৬	৮	সি, আই, ই	সি, আই
৩৬	৪	সুখেতে	সুরেতে
৬৭	৮	মরুভূমী	মরুভূমি
৬৯	২	সাদা ফুল	আঙা ফুল
৭৮	১৭	সুইবে	হইবে



সাময়িক চিত্র ।

বসন্ত-কাল ।

না জানি কি মহোৎসবে মাতিল ভুবন ?
বাজিছে বাদিত্র শত, অবিশ্রান্ত অবিরত,
গাইছে মঙ্গল-গীত বিহঙ্গমগণ !
নব নব কিশলয়, দেহ মন কাড়ি লয়,
ইচ্ছা হয় পলক না ফিরায় নয়ন ;
বিজয়-কেতন যেন, উড়িতেছে অগণন,
মরি কিবা স্নশোভন—তরুলতা বন ।
বহিছে মৃহল বায়, অমিয়া ঢালিছে গায়,
ছড়াইছে শিথলতা—জুড়াতে জীবন,—
জীবন-সঞ্চার নব— প্রকৃতির, অভিনব—
পরশনে মলয়ের মন্দ সমীরণ ;
আনন্দের পারাবারে, ভাসাইয়া বসুধারে,
ধরিছে মোহন বেশ—বসন্ত বাহার ।
অপরূপ রূপে সাজি, মোহিতেছে তরুরাজি,
পরিয়াছে গলে কিবা কুসুমের হার !

বসন্তের আগমনে, মাতিছে জগতজনে
 গাইছে বিহঙ্গগণে বিজন সমাজে ;
 বাজিছে বিজয়-ভেরী,— হৃদি মন মুগ্ধ করি
 কুহরিছে পিকবর থেকে মাঝে মাঝে !
 সকলেই মত্ত ভবে, আমি কেন একা তবে
 থাকিব ছাড়িয়া সেই হৃদয়ের ধন ?
 লভিয়ে অমূল্য নিধি, নিরন্তর নিরবধি,
 হৃদয়ে রাখিব করি অতুল যতন ।
 প্রেমেতে পাগল হয়ে, বিজনে সখারে লয়ে,
 বিহরিব প্রেমানন্দে দিবস-যামিনী,
 দেখিব নয়ন ভরি, অরূপ রূপ-মাধুরী,
 উৎসারিবে হৃদিমাঝে প্রেম-প্রবাহিনী ;
 উথলিবে সুধারাসি, ফুটিবে প্রেমের হাসি,
 বিকশিবে প্রেম শশী বিমল কিরণে,—
 পবিত্র হইবে প্রাণ, প্রেম-সুধা করি পান,
 কৃতার্থ হইব সেই সুখের মিলনে !

মহারানী ভিক্টোরিয়া ।

রমণীর শিরোমণি ব্রিটনের সিংহাসনে,
 মায়ের মতন যিনি পালিছেন প্রজাগণে ।
 রাজ্যেশ্বর্য বলবীৰ্য্য কেবা আঁটে এ ধরায় ?
 ষাঁহার সম্রাজ্যে রবি অস্ত কভু নাহি যায় ।
 বিশাল ভারতে আজি বিজয়-পতাকা যায়,
 উড়িছে কাঁপায়ে অরি, তুলনা কি মিলে তাঁর ?
 তিনি রাজ-রাজেশ্বরী বন্দনীয়া সবাকার,
 অবতীর্ণা অবনীতে করুণার অবতার ।
 দীনের দুঃখেতে সদা কার এত কাঁদে প্রাণ,
 গোপনেতে খুঁজে খুঁজে কে করে কাঙালে দান ?
 দিবানিশি ব্যস্ত মাতা প্রজার মঙ্গল তরে,
 তাই আজি প্রজাগণ পূজিতেছে ঘরে ঘরে ।
 ‘ভিক্টোরিয়া’—এই নাম যথানি পশিছে কাণে,
 অমনি ভকতি-রস উথলি উঠিছে প্রাণে ।
 এমন চরিত্র-পুত রমণী রতন পেয়ে,
 ধন্য এধরণী আজ,—সমগ্র জগত ছেয়ে
 ‘ভিক্টোরিয়া-যশোগীতি’—গাইতেছে একতানে
 কণ্ঠে কণ্ঠ মিলাইয়া দিবানিশি কোটা প্রাণে ।

কি গুণে জননী তুমি হ'লে এত ভাগ্যবতী ?
 কে আছে তোমার মত পতিব্রতা সাধ্বী সতী ?
 পতি বিয়োগের পর যাপিলা বছর কাল,
 পতির মূরতি ধ্যানে, থেকে লোক-অন্তরাল ।
 পতিব্রত্যা রমণীর প্রাণ হ'তে প্রিয়তর,
 পালিছ সে মহাব্রত ধরমেতে করি ভর ।
 দেখালে যে দৃশ্য মাগো ভুলিব না এ জীবনে,
 ঘোষিবে অতুলকীর্তি চিরকাল জগজনে ।
 থাক চিরজীবী হসে, ভুঞ্জ সদা স্বাস্থ্য সুখ,
 প্রজার মঙ্গল সাধ—যুচাও তাদের দুখ ।
 তোমার শাসন-যুগইতিহাসে চিরকাল,
 থাকিবে অতুলনীয়, মুছিতে নারিবে কাল ॥

অভ্যর্থনা । *

এস যুবরাজ—এলবার্ট ভিক্টর !
 ওহে ভারতের ভাবী অধীশ্বর ।
 রাজ-রাজেশ্বরী পিতামহী যার,
 হেন সুভাজন কোথা পাব আর ?

* এলবার্ট ভিক্টরের ভারত আগমন উপলক্ষে রচিত ।
 যুবরাজ পুত্রের অকাল মৃত্যুতে কবির আশার স্বপন
 ভাঙ্গিয়াছে, এ দুঃখ অবর্ণনীয় ।

এসহে কুমার—বিশকোট প্রাণ
 একান্তে করিছে তোমার সম্মান !
 আশীষ করিছে দুই বাহু তুলি
 প্রজা সাধারণ, মন প্রাণ খুলি ।
 কামনা করিছে তোমার কল্যাণ
 কায় মন প্রাণে, ভারত সন্তান ।
 দি'ছে উলুধ্বনি—যতেক রমণী
 তব আগমনে, কাঁপায় ধরণী ।
 দেধিবার আশে—ছাদে আশে পাশে
 দাঁড়ায়ে রয়েছে—মনের উল্লাসে—
 পুরনারিগণ—ও চাঁদ বদন
 নিরখি কৃতার্থ হইবে কখন !

পথ পানে তাই তাকায়ে আছে !
 কিবা ভাগ্যবতী !—তোমা হেন ধনে
 গর্ভে ধরি আজ—ধন্য এ ভুবনে—
 তোমার জননী, জনক তোমার,
 কত স্মৃতি আজ—অবনী মাঝার ।
 পেয়ে পুত্রনিধি—অমূল্য রতন ;
 কেবা ভাগ্যবান্ তাঁহার মতন ?
 অহা মরি মরি কি সুন্দর কায়,

রূপে গুণে যেন কার্তিকেয় প্রায় !

ধন্য সেই বিধি গাড়িল যোবা !

দেখ যুবরাজ—এ ভারত আজ

পরিস্রাচ্ছে কিবা অপরূপ সাজ !

কেন তব তরে—প্রতি ঘরে ঘরে

উৎসব করিছে প্রফুল্ল অন্তরে—

নরনারীগণ—এত আয়োজন

করিয়াছে কেন তোমার কারণ ?

কেন করে সবে তব যশোগান,

কিসে হ'লে তুমি এত ভাগ্যবান ?

শত শত লোক চাহি মুখ পানে

কৃতার্থ মানিছে কৃতজ্ঞতা দানে,—

ভকতি ভরেতে করিয়ে প্রণাম,

ঘোষিছে সকলে তোমার সুনাম ।

রাজভক্ত প্রজা—ভারত-সন্তান

বিদিত সংসারে, সঁপে দেহ প্রাণ

রাজকরে, করি আত্ম-সমর্পণ,

রাজ-হিতে জানে আপন কল্যাণ,

রাজ-দরশনে স্বর্গ পায় করে ।

হিমালয় হ'তে কুমারিকা পার

সমস্ত ভারতে আনন্দ অপার !
 রাজা—মহারাজা—প্রজা অগণন
 যুবরাজে হেরি আনন্দে মগন ।
 পূর্ণ জনপদ—আনন্দ উৎসবে,
 নৃত্য গীত বাদ্যে মাতিয়াছে সবে ।
 জনতার ভিড়—গাড়ীর ঘর্ঘরী
 পশিছে শ্রবণে দিবা বিভাবরী ।
 আজি এ নগর ইন্দ্রের ভবন,
 আলোকমালায় শোভিছে কেমন ?

চাহিলে মানস মোহিত হয় !
 বিলুপ্ত ভারতে আর্য্যকীর্ত্তি সব,
 দেখাবার কিছু নাহি অভিনব ।
 শৌর্য্য বীর্য্য এবে স্বপনের কথা
 পুরাণেতে শুনি, যেন উপকথা ।
 জাহ্নবী যমুনা আছে হিমালয়
 জাগাইতে স্মৃতি, কত কিছু লয়
 পেয়েছে ভারতে—কাল-স্রোতে গতি ;
 ধারা বহে চোখে সে সকল স্মরি ।
 যাও যুবরাজ দেখ ভ্রমি সব,
 কোথাও না পাবে প্রাচীন গৌরব ।

নীরব সকল গিরি গুহা বন
 নদনদী সিক্ত স্রুধাংশু তপন ।
 মরমে মরিয়া আছে যেন সব !
 অতুল ঐশ্বর্য্য—বিপুল বৈভব—
 নাহি কিছু তার,—কি দেখাবে আর ?
 সোণার ভারত এবে ছার খার ।
 নিরখি বিষাদে নয়ন ঝরে ।
 বিস্তা হিমাচল জাহ্নবী যমুনা !
 এ সময় কেহ নীরব থেকনা ।
 দেও বিসর্জন বিস্মৃতি সাগরে
 পূর্ব কথা, কেহ রেখনা অন্তরে ।
 ‘জয় ভিক্টোরিয়া—জয় যুবরাজ’
 কোটি কণ্ঠে মিলে গাও সবে আজ ।
 অচেতন দেহে আশ্রুক পরাণ,
 জাগিয়া উঠুক ভারত-সন্তান ।
 বাজাইয়ে ভেরী ধরিয়ে নিশান,
 যুবরাজে সবে করুক সম্মান ।
 গাওরে বিহঙ্গ স্রুধুর স্বরে,
 গাইয়ে জনম সফল কররে ।
 হেন শুভ দিন কবে হবে আর,

বিজন সমাজে করিবি প্রচার
 রাজ-আগমন ? শুনি সে বারতা
 আনন্দে ভাসিবে বস্ত্র তরু লতা
 মাতায়ে তুলিবি গহন বন ?
 দীর্ঘজীবী হয়ে থাক যুবরাজ,
 রাজ-সিংহাসনে যখন বিরাজ
 করিবে ভিক্টর, প্রজানুরঞ্জন
 রাজা বলি যেন সুষল কীর্তন
 করে প্রজাগণ, এই ভিক্ষা চায়—
 সাধ প্রজাহিত থাকি সুস্থকায়,
 ভুঞ্জ রাজ্য-সুখ 'ব্রিটনে' বসি ।

লেডী ডফারিং ।

সাধিলে যে কাজ ভারতের তরে,
 তুলিবেনা কেহ যুগ যুগান্তরে ।
 অরিয়ে ওকথা কোটি নর নারী—
 গাইবে নিম্নত সুষল তোমারি ।
 দিয়েছ যে স্বর্ণ 'লেডী ডফারিং'
 শুধিবার নয়, রবে চিরদিন—

আবদ্ধ সে ঋণে অবলাকুল !
 কে জানিত আজ অবলার প্রাণ,
 বাঁচাবার তরে স্বার্থ বলিদান
 দিবে গো জননী ? ভারত রজনী—
 আশীষ করিবে দিবস রজনী !
 প্রাতঃস্মরণীয় হবে তব নাম
 বিশাল ভারতে, মুখে অবিরাম
 লইবে সকলে ; ভুলিবেনা আর
 ঘরে ঘরে পূজা করিবে তোমার,
 কৃতাজলি হয়ে ভকতি ফুলে !
 ভারত মহিলা—অজ্ঞান আঁধারে—
 চির নিমগন, ছার দেশাচারে !
 প্রসব-যাতনা নহে ঘুচিবার,
 কপালের ফের কে ফিরাবে তার ?
 দয়ার প্রতিমা আসিয়ে ভারতে,
 দেখিলা যে দশা কেমনে তাহ'তে
 বাঁচে নারীকুল,—ভাবিয়া আকুল
 কি হবে উপায় ? উৎসাহ অতুল,
 সাহসেতে ভর করি অতঃপর
 আরস্তিলা কাজ, খাটি নিরন্তর

সফল যতন ; অমূল্য রতন
 দিলা অবলারে, তোমার মতন
 অবলা-বান্ধব কে আছে আর ?
 যাইবার বেলা ছুটি কথা বলি
 (বলিবার নাহি, জানিছ সকলি)
 ভারত ঈশ্বরী—ভিক্টোরিয়া, যার
 দয়াতে পরাস্ত সমস্ত সংসার !
 হুহিতার দশা দেখিলে যা তুমি
 আপন চোখেতে, গিয়ে মাতৃভূমি
 কহিও তাঁহারে, (হুঃখিনীর হয়ে,)
 ভারত-রমণী থাকিবে কি লয়ে ?
 নাহি জ্ঞানবল—অজ্ঞান সকল
 শত শত নারী, জনম বিফল !
 ঘোর অমানিশি—অজ্ঞান আঁধার
 হিমালয় হতে কুমারিকা পার !
 যুচাও বিতরি জ্ঞানের আলো ।

মহারানী স্বর্ণময়ী ।

দয়ার প্রতিমা খানি তুমি,
 তব ঋণে ঋণী বঙ্গভূমি ।
 মুছাইলা কত অশ্রুধার
 অভাগিনী বঙ্গবিধবার,
 মাতৃহীন শিশু লয়ে ক্রোড়ে
 বাঁধিলা অপত্য-স্নেহ-ডোরে ।
 আকালে ছাইল যবে দেশ,
 ঘুচাইতে নরনারী-ক্লেশ,—
 অন্নছত্র খুলি শত শত
 বিলাইলা অন্ন অবিরত ।
 অর্থরাশি দিলা দেশহিতে,
 ধন্য তুমি ধন্য অবনীতে ।
 তোমার দয়ার তুলনা নাই !
 ‘স্বর্ণময়ী-গুণ’ সাধে কি গাই ?
 দয়াতে মায়াতে গঠিত হিয়া,
 সাধিছ মঙ্গল হৃদয় দিয়া ।
 পরের কল্যাণে সঁপিছ প্রাণ,
 নিঃস্বার্থ উদার তোমার দান ।

কে বলে মা তুমি যশের তরে
 রাশি রাশি অর্থ দিতেছ পরে ?
 কে বলে মা তব দয়ার সরঃ
 শুকাইয়া গেছে ? পাষণ্ড নর
 না হ'লে কি কেহ দুর্নাম রটে ?
 'নির্দয়তা' নাই তোমার ঘটে ।
 আজিও সে সরে গরিব কত,
 জুড়াইছে ডুবি জনমের মত ।
 অগাধ সলিল শুকায় কবে ?
 যত লগ্ন নাহি নিঃশেষ হবে ।
 পাত্রাপাত্র ভেদ নাহিক দানে,
 এত উদারতা কাহার প্রাণে ?
 এ মহাপ্রাণতা ক'জনে সাজে
 বিনা স্বর্ণময়ী ভারত মাঝে ?
 ধন কুবেরের অভাব নাই,
 ক'টী প্রাণ হেন দেখিতে পাই ?
 দয়াময়ী তুমি যথার্থই মা,
 ভারতে তোমার নাহি উপমা ।
 না জানি কি উপাদানে
 (মিলে না যা এ সংসারে)

বিধাতা বিরলে বসি
 গঠিলেন মা তোমারে ?
 পর-দুঃখ নিরখিলে
 কেঁদে উঠে তব প্রাণ,
 আপন ভাণ্ডার খুলি
 অকাতরে কর দান !
 স্বর্ণাকরে তব নাম
 রবে বঙ্গ ইতিহাসে—
 “স্বর্ণময়ী দয়াময়ী—
 নারীরঙ্গ বঙ্গদেশে ।”
 রাখিলা অতুল কীর্তি
 সাধি সদা পরহিত,
 সকলে আনন্দে মাতি
 গাবে তব যশোগীত ।
 জীবনের মহাব্রত
 পালিলে যা এ ভুবনে,
 পুরস্কার পাবে তার
 গিয়ে নিত্য নিকেতনে ।
 বঙ্গের গৌরব তুমি
 লভেছ রাজ-সম্মান

কিন্তু সে সম্মানে তব
 বিচলিত নহে প্রাণ ।
 সাধিছ কর্তব্য জানি
 স্বদেশের উপকার,
 কর্তব্যের কাছে শত
 রাজোপাধি কোন্ ছার !
 মহারাণী স্বর্ণময়ী
 সি, আই, ই, উপাধি তব,
 তাহাতে কি বাড়িয়াছে
 তোমার গুণ-গৌরব ?
 'দয়াময়ী' তুমি তাই
 গৃহে গৃহে তব নাম
 লইতেছে নরনারী
 দিবানিশি অবিরাম !
 অতুলন মহাত্মত করিয়া পালন,
 সফল জনম তব সার্থক জীবন ।
 ভারত-ললনা মাঝে ধাত্রী দয়াময়ী—
 লভিলা অক্ষয় যশঃ রাণী স্বর্ণময়ী ।
 যে ঋণেতে ঋণী বদ্ধ, শোধিবার নয়,
 দানেতে করিলা আজ সব পরাজয় ।

আবাল বনিতা বৃদ্ধ ঘোষিবে স্রুশ,
তোমার উৎসব হবে বরষ বরষ ।
'স্বর্ণোৎসব' সবে মিলি দিব তার নাম,
পূজিয়ে তোমারে বঙ্গ হবে পূর্ণকাম !
হরষে রমণীকুল দিবে উলুধ্বনি,
তোমারে উদরে ধরে ধন্থা এ ধরণী ।
ধন্থা ধন্থা স্বর্ণময়ী দয়ায় অতুল,
তোমার নামেতে আজ ধন্থা নারীকুল ।

জীবন প্রভাত ।

(১)

ঘুটিল আঁধার উদিল তপন
বহিল মৃদুল বায়,
ফুটিল কুসুম ছুটিল ভ্রমরা—
মধুর পিয়াসে ধায় ।

(২)

বিহগ বিপিনে গাইছে ললিত
মোহিছে মনুজ মন,
শিশিরের কণা বিভাকর করে
মরি কিবা স্রশোভন !

(৩)

আনন্দে মগন—নিখিল সংসার!
 পেয়ে বল অভিনব,
 জাগিয়া উঠিছে অচেতন প্রাণ
 ঘুমাইয়া ছিল সব।

(৪)

প্রকৃতির শোভা নিরখি ভাবুক
 ভাবেতে বিভোর এবে,
 ভক্তি ভরেতে মন প্রাণ খুলি
 ব্রহ্ম সনাতনে সেবে।

(৫)

মানস বিহঙ্গ তুই কি রহিবি
 নীরব, ভবের মাঝে ?
 মহেশ-মহিমা গাও একবার
 ভুল না সে বিশ্বরাজে।

(৬)

জীবন প্রভাতে না ভজিলি যদি
 হবে কি সময় আর ?
 এমন সুযোগ পাইবি না কভু
 আসিছে ঘোর আঁধার।

(৭)

জীবন সন্ধ্যায় ফুরাইলে বেলা
অস্ত যাবে আয়ু-রবি,
শিথিল—অবশ হইবে এ দেহ
থাকিবে না রাক্ষা ছবি !

(৮)

বার্দ্ধক্যে জড়তা স্বভাবের গতি,
কে রোধিতে পারে তায় ?
শমন আসিবে হেরিয়ে তখন
করিবিরে হায় হায় !

(৯)

অতএব বলি প্রভাত সময়
বিভূপদে সঁপি মন,
মানব জনম সফল কর যে
পাইবে নব জীবন ।

বীরধাত্রী—‘পান্না’ । (১)

আহা কি নিঃস্বার্থভাব দেখালে জগতে !

বীরধাত্রী—ধন্য তব বীরত্বে ধরণী ।

পরান পুতলি সেই অমূল্য রতন—

বিসর্জন দিলা আজ কোন্ প্রলোভনে ?

বীরনারী এ ভারতে হেরিব কি আর ?

উদার নিঃস্বার্থভাব আছে কি এমন ?

ধরিত্রী গাইবে বশ ধন্য ধন্য করি—

অনুদিন অনুক্ষণ—শয়নে স্বপনে ।

(১) খৃষ্টীয় ষোড়শ শতাব্দীতে মিবারের রাজসিংহাসন লইয়া ঘোরতর বিবাদ হয়। রাজা সংগ্রামসিংহের মৃত্যুর পর তাঁহার দাসীপুত্র বনবীর সিংহাসন অধিকার করিয়া রাজ-ভাতা বিক্রমজিতির প্রাণসংহার করেন। ছয় বর্ষীয় রাজকুমার উদয় সিংহ তখন সিংহাসনের প্রকৃত উত্তরাধিকারী। এই বালক নিদ্রিত, এমন সময় তাহার প্রাণবধার্থ বনবীর শাপিত অস্ত্র লইয়া আসিতেছে, এই কথা তাঁহার ধাত্রী পান্নার কর্ণগোচর হয়। পান্না অবিলম্বে রাজপুত্রকে এক নাপিতদ্বারা স্থানান্তরিত করিয়া তাহার শয্যায় আপনার শিশুপুত্রকে শোয়াইয়া রাখে। শত্রু আসিয়া ধাত্রীর সম্মুখে ধাত্রীপুত্রকে বিনাশ করে, ইহাতে রাজপুত্র ও রাজবংশ রক্ষা পায়।

স্মরি ও পবিত্র নাম ভারত-রমণি—
পরহিত-মহাব্রতে কর প্রাণপণ ;
দেখাও জগতে মহাপ্রাণের প্রতিভা,
বীরত্ব কাহিনী সবে শুনুক আবার ।

এ মহাপ্রাণতা শুধু ভারতে সম্ভবে !
প্রভুর সেবায় সুখ স্বার্থ বলিদান
অসামান্য অলৌকিক অপার্থিব যাহা,
কে কবে দেখেছে আর অবনী মাঝার ?

সন্তানে সঁপিয়া দিলা ‘ঘাতকের’ করে !
মায়ের পরাণ—কিরে পাষাণে গঠিত ?
অটল—অচল—দৃঢ় যেন হিমাচল,
বিবেকের অনুরোধে,—কোমল হৃদয় !!!

ধন্য তুমি—বীরধাত্রী ‘পান্না’ ধরাধামে—
রাখিলা যে কীর্তি আজ—অনন্ত অক্ষয় ।
মৃতপ্রাণ বিশ কোটি ভারতসন্তান—
বুঝিবে কি সে মহত্ব—দেবের ছলিত ?

কত নারী করিয়াছে আত্ম-বিসর্জন—
পরহিতে, ইতি হাস করিছে বর্ণন ;

কিন্তু সে অমূল্য নিধি—হৃদয়ের ধন,
 জননী সজ্ঞানে কোথা করেছে অর্পণ ?
 বলিতে রসনা কাঁপে,—বর্ণিতে লেখনী—
 অবশ,—স্তম্ভিত মন—ভাবিয়ে অবাক !
 কল্পনা অতীত—একি অলৌকিক ভাব—
 অচিন্ত্য—মহান্—হেরি তোমার জীবনে ?
 কে দেখাবে এ জগতে—মানসিক বল—
 তেজস্বিতা,—দেখা'লে যা 'ভারত-রমণী' ?
 দুর্বল অসাড় মনে নহে সে আয়ত্ত,
 বীরত্ব-বিহীন আজ ভারত-সন্তান !!!

মিবারের কুল-পুরোহিতের আত্মত্যাগ ।

(১)

তেজস্বী যুবকদ্বয় বর্শা লয়ে করে—
 সম্মুখীন পরম্পর,—কেশরীর প্রায়—
 মহাবল পরাক্রান্ত ! কারেও না ডরে ;
 ছলিছে জীবন ছুটি সংশয়-দোলায় !

(২)

এমন সময় এক সৌম্যমূর্তি সেথা—
আবির্ভূত আচম্বিতে ! করি সম্বোধন,
গম্ভীর উন্নত স্বরে কহিলা এ কথা ;—
ক্রৌড়াভূমি সাবধান ভুলনা কখন।

(৩)

ভাই ভাই রণ নহে ক্ষত্রিয়-লক্ষণ।
ক্ষান্ত হও থোয়া'ওনা বংশের মর্যাদা ;
বাপ্নারাও কুলোদ্ভব রাখিও স্মরণ,
যে কুল কালিমাশূন্য রয়েছে সর্বদা।

(৪)

ক্ষত্রিয়ের কুলধর্ম অরাতি নিপাত,
বিধিবে বরশাঘাতে তাহার হৃদয়,
ভা'য়ের শরীরে কভু তুলিবে না হাত,
রাখিবে অক্ষয় কীর্তি করি শত্রু ক্ষয়।

(৫)

ভা'য়ের শোণিতে অস্ত্র কলঙ্কিত করি
ক্ষত্রিয়ের অপবশ রটো না জগতে ;
যে অস্ত্র নাশিয়ে রণে শত শত অরি
চির-স্মরণীয় হয়ে রয়েছে ভারতে।

(৬)

কিন্তু সে কথায় নাহি হ'ল ফলোদয়,
 শাগিত বরশা করে করিয়ে ধারণ
 চালাইছে মুহূর্হ, জীবন সংশয় ।
 শূণ্য হয় মিবারের রাজ-সিংহাসন ।

(৭)

দেখিলা স্বচক্ষে ইহা কুল-পুরোহিত ।
 কি যেন চিন্তিলা মনে মুহূর্তের তরে ?
 ভ্রমুগ কি লাগি যেন করিলা কুঞ্চিত,
 না জানি কি মর্ম্ম-কথা জাগিছে অন্তরে !

(৮)

কুল-পুরোহিত এবে নিস্তক নীরব !
 নিমেয়ে বাহির করি ক্ষুদ্র তরবারি,
 বিধিলা আপন বক্ষ ক্ষত্রিয় গৌরব
 রাখিলা অক্ষুণ্ণ ভবে—কিবা হিতকারী !

(৯)

নিরখিয়ে ছই ভাই—অবাক-স্তম্ভিত ।
 অবশ হইল অঙ্গ—শিথিল উদ্যম,
 শক্ত ও প্রতাপ সিংহ বড়ই ব্যথিত,
 অহুতাপ তুধানলে দহিছে মরম ।

(১০)

না করিয়ে অস্ত্রাঘাত কনিষ্ঠের গায়
রাজ্য ছাড়ি যেতে তারে করিলা আদেশ,
শিরোধার্য্য করি শত্রু যাইলা সেথায়—
সত্রাটের সন্নিকটে, ত্যজি নিজ দেশ।

(১১)

বিদেব বুদ্ধির বশ—কুটিল হৃদয়
দাদার অনিষ্ট চিন্তা মূল মন্ত্র সার—
জপমালা দিবানিশি ভুলিবার নয়,
কে জানিত পদানত হইবে আবার ?

(১২)

উদার প্রতাপ সিংহ—কনিষ্ঠকে ধরি
প্রেমভরে দিলা আজি গাঢ় আলিঙ্গন ;
মিশি গেলা পরস্পর বিদেব পাসরি,
ভায়ে ভায়ে হল পুনঃ সৌহৃদ্য স্থাপন।

(১৩)

দেশহিতে আত্মোৎসর্গ করে যেই জন
রাজ্যের কুশলে দেয় স্বার্থ বলিদান,
ধন্য তার জন্মভূমি, ধন্য সে জীবন—
প্রাণ দিয়ে সাধে নিজ দেশের কল্যাণ।

(১৪)

ধন্য কুল-পুরোহিত—ব্রহ্ম-তেজোময় !
 গাইবে তোমার গুণ ভাবী বংশধর,
 রাখিলা যে কীর্তি ভবে—অনন্ত অক্ষয় !
 স্মরণ করিবে সবে যুগ যুগান্তর ।

(১৫)

অমর হইলা ভবে করি দেহপাত !
 স্মনামের সার্থকতা করিলা সাধন,
 বাঁচাইয়ে যুবদয়ে—মরি অকস্মাৎ !
 জীবনের মহাব্রত করিলা পালন ।

(১৬)

এ মহাপ্রাণতা—আজ কে বুঝিবে হায় !
 কোথায় সে আৰ্য্যকীর্তি—প্রাচীন গৌরব ?
 ভারত সন্তান এবে পুতুলের প্রায়,
 পুরুষত্ব-হীনতায়—অকস্মণ্য সব ।

(১৭)

এ মহান্ আত্মোৎসর্গ জগতে বিরল !
 সভ্যজাতি হেঁট-মাথা ছিল যার কাছে,
 সে জাতির অধঃপাত অধর্মের ফল,—
 অবশ্য ভুগিতে হবে, অদৃষ্টে যা আছে !

(১৮)

বিদ্যা বুদ্ধি ধন মান যশ সমুদয়
গিয়াছে ভারত ছাড়ি—জনমের মত ?
সৌভাগ্য তপন আশ্রয় হবে না উদয় ?
অজ্ঞানতা-অন্ধকার থাকিবে নিয়ত।

(১৯)

সে জাতির অভ্যুদয়—কখনো কি হয় ?
ভাই ভাই ঠাই ঠাই—বৈরতা-বিদ্বেষ,
কাটাকাটি মারামারি—নাহিক প্রণয়,
বিচ্ছেদ-অনলে পুড়ি ছারখার দেশ।

(২০)

থাকিও না মৃতপ্রায় ঘূমে অচেতন
একতা-বন্ধনে বদ্ধ হও অধিবাসী,
জাগিয়া উঠুক পুনঃ মোহ-মুগ্ধ মন,
দেখ হিংসা অজ্ঞানতা সমূলে বিনাশি !

ভারত-হিতৈষী মহাত্মা জন্ম ট্রাইট্‌ ।

মঙ্গলের নিশি গতে, বুধবার—
 সূর্যপ্রভাতে—যাত্রা করি, এ সংসার—
 ছাড়ি গেলা সেথা, দিব্য রথে চড়ি,
 দেবতার দেশ—স্বর্ণস্বর্ণপুরি !
 অতুলিত কীর্তি—সুঘণ্ড সুনাম
 গাইবে সকলে থাকি ধরাধাম ।
 ধন্য হব মোরা অরণে তোমার,
 ‘ট্রাইটের’ নাম—ভুলিব কি আর ?
 ব্রিটন—ভারত—সমগ্র পৃথিবী—
 শোক-পরিচ্ছদ কর পরিধান,
 ভকতি করিতে চাও যদি কারে,
 দাও তাঁরে আজ উচিত সম্মান !
 উপযুক্ত পাত্র কোথা পাবে আর ?
 ‘ট্রাইটের’ নাম করিয়ে অরণ
 ধন্য হও আজ ধরাবাসিগণ !
 রত্নগর্ভা তুমি ‘গেরেট ব্রিটন’
 ধরিলে গর্ভেতে অমূল্য রতন !
 পশ্চিম আকাশ করিয়ে আঁধার

খসিয়া পড়েছে—নক্ষত্র উজ্জল,
 অঞ্চলের নিধি হারায় জননী
 পাগলিনী—পুত্র-শোকেতে বিহ্বল,
 নয়নে বহিছে অজস্র ধারা !
 ছুধিনী ভারত কাঁদ একবার !
 তোর পানে ফিরে কে চাহিবে আর ?
 পরম হিতৈষী ছিল একজন,
 ভারতের হয়ে সে মহাসভায়,
 মাঝে মাঝে দুটো হিতকথা বলি
 কত উপকার সাধিত রে ছায় !
 আছে ‘প্লাড্‌ষ্টোন’ বান্ধব তোমার ।
 কে জানে কখন করিবে আঁধার—
 ‘গেরেট ব্রিটনে’ ?—‘ত্রাইট’ যেমতি
 করিয়াছে, এবে ক্ষুণ্ণ বসুমতী !
 সে দুখ-বারতা ভারতে যাই
 পৌঁছিল—‘ত্রাইট’ জীবিত নাই,
 শত বাজ বেন বাজিলরে বুকে,
 মূচ্ছিতা হইলা ভারত মাতা !
 হানি করাঘাত বক্ষে বার বার
 জানাইল সব মরম ব্যথা !

হৃদয়-বেদনা কে বুঝিবে তাঁর ?
 বাগ্মী সে 'ব্রাইট' বিখ্যাত ভুবন !
 পরহিত-ব্রতে ব্রতী চিরদিন ;
 উদার নিঃস্বার্থ ভাবে প্রণোদিত—
 সরলহৃদয়, মলিনতাহীন ।
 স্বাধীনতাপ্রিয় অতি ঞ্জয়বান্,
 পরহুখে সদা কাঁদিত সে প্রাণ !
 প্রজার মঙ্গল—মূলমন্ত্র সার,
 প্রজা-স্ব্থ বই জানিত না আর ।
 মহাসভা মাঝে—অদম্য অটল,
 সাধারণ কাজে উৎসাহ প্রবল !
 বিরোধ-বিরোধী ; সাম্য সংস্থাপন
 করিতে প্রয়াস—একান্ত যতন ।
 পরস্বাপহারী—দস্তুা যেই জন
 পরের অনিষ্ট করিছে সাধন ;
 দমনে সে রিগু প্রকাশ্য সভায়
 দাঁড়াইয়া যবে জলন্ত ভাষায়,
 তীব্র প্রতিবাদ করিতেন তার,
 চমকিত সব সদস্য সভার !
 বক্তৃতা শ্রবণে স্তম্ভিত মন !

নীতি-বিশারদ সুধীর প্রবীণ
 'ব্রাইট' বিহনে প্রতিভা বিহীন
 'গেরেট ব্রিটন' ; বিনে 'গ্লাডষ্টোন'
 সমকক্ষ তাঁর আছে কয়জন ?
 "শস্য বিধি" * লুপ্ত যার বাগ্মিতায়
 জন সাধারণ কত সুখী তায় ।
 তাঁহার গুণের আছে কি তুলনা ?
 এমন হিতৈষী জগতে মিলে না ।
 ভারতের তরে কেবা অতঃপর,
 যতন করিবে—খাটি নিরন্তর ?
 'ব্রাইটের' নাম—সুবর্ণ অক্ষরে,
 রাখ খোদি সবে হৃদয়-প্রস্তরে ।
 প্রভাতে স্মরিবে পুণ্যশ্লোক ব'লে,
 কলঙ্ক রটিবে অকৃতজ্ঞ হ'লে,
 কেমনে ভুলিবে হিতৈষী জনে ?

* ব্রাইটের বক্তৃতায় অস্থায়ী শস্যবিধি (Corn Law) উঠিয়া যায় ।

বীরবালা কৰ্ম্মদেবী ।

ধন্য রাজস্থান ! তুমি পূজ্য সবাঁকার,
 শত শত বীরঙ্গনা,
 গুণগ্রামে-অতুলনা,
 ষাড়'াল গৌরব কত, সুনাম তোমার !
 অরিস্ত রাজ-দুহিতা
 দেখালে যে তেজস্বিতা,
 অসামান্য অলৌকিক চরিত্রের বল ;
 ভারতের ইতিহাসে
 সীতা ও সাবিত্রী পাশে
 স্বর্ণাক্ষরে চিরদিন থাকিবে উজ্জ্বল ।
 চাহিয়া পতির পানে
 সাহস উৎসাহ দানে
 কহিলেন বীরবালা—“সমর কৌশল
 দেখিব স্বচক্ষে আজ,
 পর নাথ রণ-সাজ ;
 যুগশায়ী হও যদি—থাকিয়ে অটল,
 হইব অনুগামিনী,
 আপনারে ধন্য মানি,
 রাজপুত-বালা কবে শমনেরে ডরে !

ক্ষত্রিয় মরিবে রণে,
 যুদ্ধ করি প্রাণপণে
 জনম লয়েছে তাই ক্ষত্রিয়ের ঘরে।”
 বাধিল তুমুল রণ,
 করি অসি উত্তোলন,
 আঘাত করিলা সাধু অরণ্যকমলে,
 অরণ্যকমল (ও) তার
 তরবারি খরধার
 লক্ষ্যকরি সাধু-শির হানিলা সবলে ।
 দেখিলেন কৰ্ম্মদেবী
 তাঁহার সৌভাগ্য রবি
 চির অন্তমিত, ছাড়ি সমর প্রাঙ্গণ ;
 প্রাণের অধিক ধন
 দিতে হল বিসর্জন
 ভেঙ্গে গেল অকস্মাৎ স্রুথের স্বপন !
 কাতর না হয়ে তায়
 শৈল সম ধীরতায়
 অসি লয়ে নিজ হাতে এক বাহ তাঁর—
 কাটিয়া কহিলা সতী
 (ছিন্নমস্তা মূর্তিমতী)—

“বলিও বলিও দিয়ে স্বপ্নে আমার ;—

পুল্লবধু আপনার

আছিল সে এপ্রকার ।”

আদেশিলা অগ্র বহু কাটিতে আবার ।

কহিলা “হে অনুচর

বলি শুন অতঃপর

বিবাহের মণি মুক্তা যত অলঙ্কার

বাহু সহ সঙ্গ লয়ে,—

দিও নতশির হয়ে

অভাগিনী অবলার ক্ষুদ্র উপহার ।”

যুদ্ধক্ষেত্রে চিতা জালি

দিলা তাতে প্রাণ-ঢালি

সহাস্ত বদনে সতী ত্যজিলা জীবন,

আহা ! কি স্বর্গীয় ভাব

পবিত্র বীর স্বভাব

কে দেখাবে, কস্মদেবি, তোমার মতন ?

ধন্য রাজপুত-বালা

সাজায়ে বরণ ডালা

ওই দেখ সাক্ষীগণ স্বর্গ হতে আজ,

এসেছেন ধরাতলে,
 নিতে তাঁহাদের দলে,
 তোমায়ে লভিয়ে ধন্য রমণীসমাজ ।
 অতুল সৌন্দর্য্য রাশি
 যেন রে শারদ-শশী
 ভস্ম হ'ল চিত্তানলে চক্ষুর নিমেঘে,
 কিস্ত সে চরিত্র গুণ
 পরশনে চিত্তাগুণ
 উজ্জলিল শতগুণ অজানিত দেশে ।
 পঁহুছিল যথাকালে—
 সে ছিন্ন বাহু যুগলে
 দাহন করিতে আশ্রয় দিলা নৃপবর,
 সতীর সন্ত্রম তরে
 সরসী খনন করে
 ‘কৰ্ম্মদেবী সরোবর’ নাম দিলা তার ।

পূর্ণিমার চাঁদ ।

(১)

কে তুমি হাসিছ স্নানীল অশ্বরে ?
 মাতায়ে তুলিছ অবশ প্রাণ !
 গাইছে নীরবে নিখিল ভুবন—
 অনন্ত স্রুতে মিলিয়ে তান !

(২)

সুধার লহরী স্রুত-সিন্ধু মাঝে—
 উঠিছে পড়িছে খেলিছে তায়,
 বিমল বিভাতি রজত জোছনা—
 মুকুতার পাতি শোভিছে গায় ।

(৩)

মলয়-অনিল মৃদল হিল্লোলে—
 হেলিয়া ছলিয়া নাচিয়া যায়,
 আনন্দে মগন প্রেমে মাতোয়ারা
 কি করিবে কিছু ভেবে না পায় ।

(৪)

পাখীরা গাহে না ভাবেতে বিভোর !
 শাখীরা নীরব—নাহিক সাড়া,

নিস্তরু নিষ্পন্দ—প্রকৃতি সুন্দরী,
কি মহা ভাবেতে হয়েছে হারা ?

(৫)

গহন বিজন—নিরমল ঠাঁই—
পেয়ে বুঝি আজ কৌমুদী সতী,
পাদপ নিচয়ে রচি যোগাসন,
ধ্যায়িছে হৃদয়ে নিখিলপতি ।

(৬)

ছড়ায়ে সুরতি বন ফুলগুলি
আমোদিত করি তুলিছে বন,
চুপি চুপি আসি চুমিছে ভ্রমরা,
মধুরসে আজ মজিছে মন !

(৭)

চকোর চকোরী চাহি কার পানে—
ধাইছে উরধে উল্লাসে মাতি !
প্রফুল্ল হৃদয়—আনন্দ ধরে না,
মরি কি সুন্দর জোছনা রাতি !

(৮)

ভাবুক যে জন— জন কোলাহল
পরিহরি আজ বিজনে একা,

বসিয়া রয়েছে আশায় আশায়
 কার সনে যেন করিবে দেখা ?

(৯)

কে রচিলা এই ভুবনমোহন
 অপরূপ ছবি—দেখালে আজ ?
 কি শিল্প-চাতুরী আহা মরি মরি !
 বলিহারি যাই মোহন সাজ ।

দেবর্ষি নারদ ও দেবী সাবিত্রীর কথোপকথন ।

সাবিত্রীর পানে চাহিয়া দেবর্ষি

কহিলেন অতঃপর :—

ছাড়ি সভ্যবানে পতিত্বে বরণ

কর বাছা, অশ্রু বর ।

সে কেমনে হয় ? ওহে ঋষিবর

হৃদয় সঁপেছি ধারে,

সে দেবতা বিনে হেন স্নভাজন

কে আছে বরিব তাঁরে ?

জগতের গুরু যে নারদ মুনি

মতিভ্রম হ'ল তাঁর !

সাবিত্রী-চরিত মরম না বুঝি
কহিলেন আর বার :—
সত্যবান আশ কর পরিহার
ধর মম.উপদেশ,
নহিলে অশেষ অকল্যাণ হবে
পাইবে যাতনা ক্লেশ ।
এ মর জগতে বিশ্ব-বিধাতার
প্রেমের প্রতিমা থানি,
অবনত শিরে কহিলা নারদে
যোড় করি যুগ পাণি :—
পতিত্বে বরণ করেছি যাহারে
মনে মনে—একবার,
ছাড়িলে তাঁহায় ধর্ম্মেতে পতিতা
হব—সন্দ * নাহি তার ।
অতএব বলি ওহে ঋষিবর,
না কর আদেশ হেন,
প্রসন্ন হইয়ে দেও এই বর
সিদ্ধকাম হই যেন ।

* সন্দেহ ।

বিনয়াবনত তেজস্বিনী মূর্তি !

হেরি মুনি হর্ষযুত,

এত ধর্মভাব

এত অনুরাগ

বালিকায় কি অদ্ভুত !

হ'ক না সে দীন

নিগুণ অক্ষয়

ক হিলা সাবিত্রী পুনঃ,

ফুটেছে যে কুল

হৃদয় কাননে

ছিঁড়িব কি সে প্রশ্ন ?

আরাধ্য দেবতা

হৃদয়ের স্বামী

আদরের ধন পতি,

সে ধনে বঞ্চিতা

হইলে নারীর

নিশ্চয় নরকে গতি ।

দেখ দেখ চেয়ে

হে ভগিনীগণ !

সাবিত্রী-হৃদয়-বল,

সংকল্প হইতে

কে ফিরাবে তায় ?

বেন দৃঢ় হিমাচল !

পতিব্রতা সতী

শুনিতে না চায়

অত্মায়—আপত্তি যত,

দীন দুঃখী জেনে

বরেছে তাঁহায়

ধন্য ধন্য পতিব্রত !

কথোপকথন শুনি অশ্বপতি

বিস্মিত হইয়ে অতি,—

জিজ্ঞাসিলা তাঁরে কহ ঋষিবর

করি ওপদে মিনতি ;

কি হেতু বারণ করিছ কহ্যারে

বরিতে সে সত্যবানে ?

হেন সুভাজন কোথা পাব আর

কি আপত্তি কহ্যাদানে ?

কি করেন মুনি একাগ্রতা হেরি

কহিলা রাজ্যারে চেয়ে,

বরষ না যেতে মরিবে জামাতা

বিধবা হইবে মেয়ে ।

শুনি অশ্বপতি স্তম্ভিত অবাক্

তবে নাহি দিব মত,

বালিকার মতে কিবা আসে যায়

সে কি বুঝে সদস্য ?

কিন্তু সে বালিকা টলিবার নয়

কিবা দৃঢ় পণ তার,

সে দারুণ বাণী করিয়ে শ্রবণ

চাহিল না প্রতীকার ।

অই নবক্ষুট কুম্ভমে এতই
জীবনী শক্তি হয় !

অশনি প্রপাতে বিকচ কমন
 শুকায় না গেল তায় !

দীনতা হীনতা সে ত তুচ্ছ কথা,
যাতনার একশেষ,—

অকাল বৈধব্য— ভয়ে না ডরায়
পালিবারে ধর্মাদেশ !

কহিলা সাবিত্রী জনম হইলে
অবশ্য মরিতে হয়,

মৃত্যু ভয়ে কেন অধর্মের ডুবিয়ে
জীবন করিব ক্ষয় ?

ঈশ্বর-গোচর যে জনে করেছে
পতিত্বে বরণ আমি,

সেই সত্যবান যেখানে থাকুন,
তিনিই আমার স্বামী ।

কে আছে এমন, মৃত্যুর অধীন
নহে সে, অনিত্য ভবে,

সত্যবান ছাড়ি অপরপুরুষে
কি হেতু বন্নিব তবে ?

ধন্য গো সাবিত্রি ! ভারত-ললনা
সাধে করি গুণগান ।
যে যাতনা ভার শত শত নারী
সহিতে না পারি,—প্রাণ
সঁপি চিতানলে, সে বৈধব্য-জ্বালা
ঘুচাল সহ-মরণে ;
কহ তুমি তারে আলিঙ্গন করি
সাধিয়া নিলে কেমনে !
রমণী-সমাজে বীরাজনা তুমি,
তোমার তুলনা নাই,
অপূর্ব কাহিনী— সাবিত্রী-চরিত
তাই শত কণ্ঠে গাই ।
তরুণ বয়সে বৈধব্য যাচিয়ে—
লইতে দেখিছু এই,
আর দেখিব কি ? বুঝি শেষ দেখা
—দেখা'ল সাবিত্রী সেই ।
হেন ধর্মনিষ্ঠা হেন অনুরাগ
এহেন সাহস কার ?
দেশে ও বিদেশে এমন রতন
কোথাও না পাব আর ।

দেবর্ষি নারদ
সাবিত্রী-মনের ভাব,
কি উপকরণে
গঠিত হৃদয়,
কি মধুর সে স্বভাব !
যে চরিত্র বলে
রমণী সমাজে
বরণীয়া তিনি আজ,
বুঝিয়ে এখন
দেবর্ষি নারদ
পাইলেন মহা লাজ !
হ'ক পরিণয়
করি আশীর্বাদ
বিধবা না হবে তুমি,
তোমার সূষশে
ছাইবে জগত
(হবে) ধাত্রা এ ভারত ভূমি !
তোমার সূত্রত
পালিয়ে সকলে
হইবে সফল-কাম,
ঘরে ঘরে নারী
পূজিবে তোমারে
স্মরি ও পবিত্র নাম !

সংগ্রাম ।

রিপু অত্যাচার আর সহিব না,
অনেক সয়েছি প্রহার-যাতনা !
করিয়াছি পণ করিব নিধন
কাম ক্রোধ আদি রিপু ছয়জন ।
তুমুল সংগ্রাম বাধাইব আজ,
জাগরে মানস লও রণসাজ ।
সত্যের কবচে আচ্ছাদি শরীরে
ব্রহ্মাস্ত্র পূরিয়ে সাধন-তুণীরে ;
সারথি কররে বিশ্বাস অটল,
দিব্য রথে চড়ি যুঝ অবিরল,—

অতুল বিক্রমে বিনাশ অরি !

দেখ যেন কভু অতর্কিত ভাবে—
এসে রিপুগণ বিকৃত স্বভাবে,
পাতি মায়াজাল না ভুলায় মন ;
সতর্ক থাকিবে সদা অনুক্ষণ ।
জ্ঞান আঁখি যার খোলে একবার,
রিপুর চাতুরী-ছলনা, তাহার
কি করিতে পারে ? মোহের আঁধারে

বিশ্বাস আলোকে নাশে একেবারে ;
 সংশয় তিমির রহে না আর !
 ব্রহ্মমন্ত্রে যার হইয়াছে দীক্ষা,
 সে কি করে কভু সময় প্রতীক্ষা ?
 ভীকৃতার দাস নহে সে কখন,
 ছিঁড়িয়াছে মায়া-মোহের বন্ধন !
 ধন জন সব অনিত্য অসার,—
 জানিয়াছে ভবে বিভূপদ সার !
 ব্রহ্মবলে বলী ওই নাম বলি
 আয়ত্ত করেছে ইন্দ্রিয় সকলি—

লয়েছে আশ্রয় চরণে তাঁর ।

জিতেন্দ্রিয় এবে, করি পরাজয়—
 রিপু ছয়জন ।—অনন্ত অক্ষয়
 স্মৃথ অধিকারী হয়েছেন সাধনে,
 এবে পূর্ণ কাম পিতার ভবনে !
 নাই শত্রু আর—সকলে তাহার
 অনুগত দাস ;—আনন্দ অপার !
 শত্রু হয়ে মিত্র সাধিছে মঙ্গল !
 লভিয়াছে মোক্ষ—চতুর্বর্গ ফল—
 বাসনা-বিরতি—ব্রহ্মে সদা রতি

সদাশয় সাধু—মধুর প্রকৃতি !—

মোহিত সকলে স্বভাব গুণে !

ধরাধামে থাকি করে স্বর্গবাস,

পূর্ণ প্রেমশশী হৃদয়ে বিকাশ !

ঢালিছে অন্তরে বিমল কিরণ

তুষিত পরাণে—সুধা বরিষণ !

উথলিছে তার সুখ-পারাবার,

নিরখি সে মুখ আনন্দ অপার ।

বাসনার তৃপ্তি—নিবৃত্তি সাধন

করিয়াছে তাই সার্থক জীবন ;

সিদ্ধকাম ভবে, পরমার্থ জ্ঞান

উদিত মানসে,—করিতেছে ধ্যান,—

আরাধ্য দেবতা ঈশ্বর, তার ।

বীরাঙ্গনা ।

কর্মদেবী, কর্ণবতী ও কমলাবতী ।

বীরভূমি চিতোরের বীরাঙ্গনাগণ,

অসংখ্য অরাতি সেনা করিছে নিধন !

অভেদ্য কবচ পরি অশ্বৈ আরোহণ করি

করিতেছে অবিশ্রান্ত গোলা বরিষণ,—

বৃক্ষ-অন্তরালে থাকি, করি প্রাণপণ ;
 তিনটী বীর ললনা,— (ধন্য ধন্য বীরপনা !)
 সম্রাট * বিস্মিত হেরি তাদের সে রণ,
 কত সাধুবাদ মনে করিছে তখন !
 অঞ্চলের নিধি মা'র যুদ্ধক্ষেত্রে আগুসার,
 স্নেহের পুতলি পুত—হৃদয়ের ধন,
 সঁপিয়ে শত্রুর করে ; জননীর মন
 কেমনে তিষ্ঠিবে ঘরে ?— কত্না বধু সাথে করে
 গিয়াছেন কৰ্ম্মদেবী নাশিতে যবন,
 জগৎ,—এ দৃশ্য আর দেখেছ কখন ?
 একাকী যুঝিবে রণে লক্ষ লক্ষ সেনা মনে
 মায়ের পরাণে বল সহিবে কেমনে ?
 তাই আজ পশিছেন সমর প্রাঙ্গণে ।
 প্রাণাধিক প্রিয়তম,— (রূপে গুণে অনুপম,)
 শত্রু সেনা মনে একা যুঝিছেন আজ,
 প্রাণের সঙ্গিনী তাই ধরে রণসাজ ।
 অকপট-স্নেহাস্পদ— ভ্রাতার ভাবী বিপদ
 স্মরিয়ে ভগিনী বসে থাকিবে কি ঘরে ?
 পশিছে উৎসাহে মাতি সম্মুখ সমরে !

* আকবর ।

অহো ! কি অপূৰ্ণভাব ! (ধৃত্ৰ রমণী স্বভাব !)
 স্বদেশের স্বাধীনতা রাধিবার তরে,
 যুদ্ধে ক্ষত্রিয় নারী নির্ভয় অন্তরে !
 প্রাণের মমতা ছাড়ি . রণে মত্ত বীরনারী
 বধিছে মোগল সেনা থাকিয়ে অন্তরে,
 ছিন্ন ভিন্ন শত্রুগণ পলাইছে ডরে ।
 দেখিলা জননী হায় ! প্রাণাধিক ছুহিতায়,
 ভূতলশায়িনী এবে বীৰ্য্যবতী বালা,—
 অতুল সৌন্দর্য্যরাশি জগত-উজলা !
 দৃকপাত নাহি তায়, গোলা চালাইছে মায়
 অকাতরে অবিশ্রান্ত শত্রুর উপর,
 নিধন করিছে রণে সেনা বহুতর !
 ধৃত্ৰ ধৃত্ৰ কৰ্ম্মদেবি, যেন গো তোমাতে সেবি
 জনম সফল করে ভাবী বংশধর,
 তোমার সুশয় গায় যুগ-যুগান্তর ।
 কমলাবতীর করে বিপক্ষের গোলা প'ড়ে
 কাতর করিল অতি ভীষণ আঘাতে,—
 সহসা মুরছা গেলা পতির সাক্ষাতে ।
 বাই সে ধরাশায়িনী, ছুটিয়ে পতি অমনি
 দ্রুতবেগে এসে তুলি লইলেন করে,

অহো কি অপূৰ্ণ প্রেম পতির অন্তরে !
 বারেক পতির পানে চাহি তৃষিতনয়নে
 অভিভূত হইলেন অনন্ত নিদ্রায় !
 এমন পবিত্র ভাব আছে কি ধরায় ?
 নিরখি স্বর্গীয় দৃশ্য অবাক্ স্তম্ভিত বিশ্ব !
 বীরত্ব-কাহিনী আজ কহিব কাহায় ?
 অপূৰ্ণ নারী-চরিত্র কে বুঝিবে তায় ?
 জাগ গো ভগিনীগণ, কর এই দৃঢ় পণ—
 “পরসেবা মহাত্মত পালিব সবায়,”
 তবে যদি এ ভারত পরিত্রাণ পায় ।

প্রকৃতি-মাধুরী ।

মধুর জোছনা রেতে মৃদল বাতাসে,
 ধীরে ধীরে বসিলাম এক তরু-পাশে ।
 কোটী কোটী তারা মাথ
 হাসিছে কুমুদনাথ,
 হাসিছে সমগ্র ধরা কি যেন উল্লাসে !
 আন মনে নেহারিহু মনের আবেশে !

প্রকৃতির মধুরিমা হেরিবার তরে,
নাচিয়া উঠিল প্রাণ প্রতি স্তরে স্তরে !
বহিছে মৃদুল বায়
কুসুম সুরভি গায়,
চকোর চাহিয়া আছে সুধাকর পানে,
আমিও তেমনি আছি প্রকৃতির ধ্যানে !

সুগভীর নিশীথিনী মনোহর বেশে
হাসা'তে লাগিল বিশ্ব প্রেমের উচ্চাসে ।
পাপিয়া ধরিল গান
আমার(ও) তুষিত প্রাণ,
প্রেমময়ী—আলোময়ী—স্নিগ্ধা রজনীতে,
গভীর গম্ভীর ভাবে লাগিল ভাসিতে ।

কি জানি কেমন ভাবে অবশ হইল প্রাণ,
কে যেন সুধার ধারে ঢালিল একটা গান,
মধুর পঞ্চমে তুলি,
হৃদয় কপাট খুলি
সুদূরে ললিত তানে প্রাণ মোহনিয়া
গাহিল মধুর গান আকাশ ভেদিয়া ।

মধুর পবিত্র প্রেমে হাসিলা প্রকৃতি-বালা,
 ফুল্ল নির্মাণ সুহাসিতে করিলা জগত আলা ;
 আমার(ও) হৃদয়তলে
 প্রেমের লহরী খেলে,
 শত প্রেম-উন্মিষি হৃদে জাগিতে লাগিল,
 সুমধুর প্রেমে প্রাণ অবশ হইল !

প্রেমময় ! স্নেহময় ! দেবতা আমার,
 প্রেম-ক্রোড়ে তুলি নাথ লও একবার !
 অবোধ বালিকা তব
 নাহি বোঝে এই সব,
 অকূল প্রেমের স্রোতে কূল নাহি পায়,
 ধরগো লহগো পিত ! কোলেতে আমার ।

স্বর্গীয় মহাত্মা ঈশ্বরচন্দ্র বিদ্যাসাগর ।

(১)

যুগ-যুগান্তর তপস্তার ফলে
 পেয়েছিলে যেই অমূল্য রতন,
 সে ধনে বঞ্চিতা হইলে জননি !
 কে আছে ছুখিনী তোমার মতন ?

(২)

চন্দ্রহীন আজ ভারত-আকাশ,
হুঃখ-অমানিশা দিগন্ত প্রসার !
শোকেতে মগন সমগ্র ভারত—
হিমালয় হ'তে কুমারিকা পার ।

(৩)

'রত্নগর্ভা' নাম পেয়েছ জননি
যে রতন গর্ভে করিয়ে ধারণ,—
সে অমূল্য নিধি কেড়ে নিল কাল,
শূন্য করি কোল, না মানি বারণ ।

(৪)

কাঁদিতে এসেছ—কাঁদ চিরকাল,
সোণার চাঁদেরা—র'লনা কেউ !
একে একে তাঁরা ছাড়ি গেলা মায়,
গণিছ কেবলি হুঃখের ঢেউ !

(৫)

উপাধি তোমার 'বিদ্যার সাগর'.
দয়ার সাগর এ জগতে তুমি !
জীবনের ব্রত—পর উপকার,—
ভুলিবে না কভু ভারত ভূমি ।

(৬)

বাল-বিধবার পিতার অধিক,—
 গরীব দুঃখীর সহায় সস্থল,
 স্বদেশের হিতে স্নদা প্রাণপণ,
 কামনা কেবলি দেশের মঙ্গল ।

(৭)

সাহিত্য-জগতে অগ্রণী সবার !
 মৃত বঙ্গভাষা,—দিলে তারে প্রাণ,
 সকলের নেতা সমাজ-সংস্কারে,
 তব ঋণে ঋণী ভারত সন্তান ।

(৮)

আড়ম্বর হীন অশনে বসনে,
 আচরণে যেন শুদ্ধ ব্রহ্মচারী,
 আলাপনে তাঁর কিবা শিষ্টাচার,
 মধুর ব্যভার যাই বলিহারি ।

(৯)

দেশের দুর্গতি করিয়ে স্মরণ
 কতই যাতনা পেয়েছেন মনে,
 নীরবে নিঃস্রব্ধে অশ্রু বিসর্জনে
 করেছেন কত দেশের কারণে ।

(১০)

নিষ্ঠুর্গে কি গুণ বর্ণিবে তাঁহার !
একাধারে কার থাকে এতগুণ ?
হৃদয়-কাননে দয়া মায়ী স্নেহ—
ফুটেছিল তাঁর কতই প্রস্থন ।

(১১)

যাও স্বর্গধামে—গুণের সাগর,
স্নেহময়ী আজ,—অমৃত ভবনে
লয়ে যাবে বলি, বাহু প্রসারণ
করেছেন দেখ, তোমারি কারণে !

(১২)

রতন খচিত স্বর্ণ-সিংহাসন
শূন্য রহিয়াছে দেবতা সমাজে,
পূরণ করগে ওহে স্রুভাজন,—
হেন সিংহাসন আর কারে সাজে ?

(১৩)

কাঁদিও না আর—ভারত জননি !
স্বরপুরে দেখ আনন্দ অপার !
দেবতারা মিলে করিছে উৎসব,
তুমি কেন তবে ফেল অশ্রুধার ?

(১৪)

স্বর্গে গেছে স্মৃত সাধি দেশহিত !
 এ হ'তে কি স্মৃতি আছে জননীর !
 বীর-মাতা বলি দেও পরিচয়,
 ধাত্রী হও গর্ভে ধরি হেন বীর !

কুমারী ফাউলার ।

সুদূর হইতে কার
 শুনিয়ে মধুর বাণী,
 পরসেবা মহাব্রতে—
 ত্রতী হ'লে আজ ?
 পরপ্রেমে আত্মদান,—
 জীবনের লক্ষ্য জানি,
 কাহার আদেশে বল
 সাধিলে এ কাজ ?
 কি মহাপ্রাণতা আহা !
 স্বাস্থ্য স্মৃতি ভুলি সব,
 রোগীর শুশ্রূষা তরে
 কোথায় চলেছ ?

কুষ্ঠ রোগ—সংক্রামক,
(ছুঁলে প্রাণে বাঁচা ভার)

জেনে শুনে মৃত্যু-মুখে

জীবন সঁপেছ !

সংসারের মায়া ছাড়ি ;

বুঝি এ জনম তরে

ভাসাইলে দেহ-তরী

অকুল সাগরে,

ঘোবনের রূপরাশি

তুচ্ছ করি,—অকাতরে

ছুটেছ কোথায় আজ

ব্যাকুল অন্তরে ?

মলকাই কুষ্ঠাশ্রমে

যাইছেন 'ফাউলার',

পিতা মাতা ভাই বোন

ছাড়িয়ে সকলে,

না জানি কার আহ্বানে

ভুলি স্বার্থ আপনার,

ঝাঁপ দিলে বীরবালা

দুস্তর সলিলে ।

আর কি থাকিতে পারে,

বাস্ত আপনারে লয়ে !

বিশ্ব-প্রেমে উন্মাদিনী—

ছুটিছে সেথায় ।

একেবারে আত্মহারা !

কি মস্ত্রে দীক্ষিত হয়ে

ধাইছে যুবতী আজ

পরের সেবায় ?

যখন ষোড়শী বাল্য,

তখনি এ মহাব্রত

জীবনের কার্য্য বলি

জানিলা যুবতী,

কে তাহারে হাতে ধরি

দেখা'ল এ সত্যপথ ?

জীবনের উচ্চ লক্ষ্য—

জীবে দয়া অতি ?

যাও যাও ফাউলার,

মলকাই কুষ্ঠাশ্রমে

করগে রোগীর সেবা

এবে কায়মনে ;

ওই দেখ সুরদেবী
থাকিয়ে স্বরগধামে
আশীষ করিছে আজ

মধুর বচনে !

এহেন রমণী রত্ন—
দেবের দুর্লভ ধন,
গর্ভে ধরি রত্নগর্ভা

হবে কি ভারত ?

কবে সে রমণীকুল,
পরসেবা মহাত্মতে
জীবন উৎসর্গ করি

মাতাবে জগত ?

আদর্শ রমণী চিত্র,
নিরখি ভগিনীগণ
হও সবে অগ্রসর

রোগীর সেবায়,

দাও আত্ম বলিদান,
সংকীর্ণতা যাও ভুলি,
দেখাও মহাপ্রাণতা

ফাউলার প্রায় !

ওই দেখ বীরবানা,
 স্বদেশের মায়া ছাড়ি
 শত যোজনের পথে
 ছুটিছে একেলা,
 পাসরিয়ে আত্মস্থ
 না জানি কি স্থে মাতি,
 অকূল জলধি জলে
 ভাসাইছে ভেলা!
 অপার্থিব স্থ-রত্ন
 সঞ্চিত রয়েছে সেথা—
 পবিত্র স্বরগধামে,
 ফাউলার তরে ;
 যখন মায়ের কাছে
 যাইবেন পুণ্যবতী,
 প্রেমবাহ প্রসারিয়া
 লইবেন ঘরে,
 আদরে বিশ্বজননী,—
 কোলে তুলি স্নেহতরে
 বদন চুষন করি
 সুধাবেন তায়,

যে কাজ সাধিলে তুমি

থাকিয়ে পাপ সংসারে

মোহিত করেছ বাছা

সে কাজে আশায় ;

তাই আজ সযতনে

ডাকিয়া লয়েছি ঘরে !

পরাইব নিজ হাতে

পুণ্যের মুকুট—

তোমার পবিত্র শিরে ;

ছিন্ত তার প্রতীক্ষায়

পেয়েছি স্রবোগ আজ—

দাও করপুট,

লয়ে যাই সুরপুরে,

আদরে সোহাগে ধরি

বসাই তাদের পাশে,—

বীর নারীগণ

যেথায় বিরাজ করে,

গণিময় সিংহাসনে—

পুণ্যের ভূষণ পরি,—

এস বাছা ধন ।

মা ও ছেলে ।

মুখের হাসিটা বড়ই মধুর !
 আধ আধ কথা—সুধামাখা তায়,
 ননীর পুতুল—কি সুন্দর তনু !
 আয়রে বাছনি—আয় কোলে আয় ?

ছড়াইয়ে হাসি ছুটি কার পানে
 হামাগুড়ি দিয়ে যায় কুতূহলে ?
 অফুট ভাবায়—(বুঝা নাহি যায়)
 মাঝে মাঝে শিশু কি জানি কি বলে !

আঁচল ধরিয়া কেঁদে কি কহিছে—
 সে কান্নার ভাব অস্ত্রে কি তা জানে ?
 আদরে সোহাগে বাহু পসারিয়া
 কোলে নিছে মায়—কি জানি কি টানে ?

পিয়াইছে স্তন কতই যতনে !
 (সতৃষ্ণ নয়নে কেবলি তাকায় !)
 অপত্য-স্নেহেতে বিগলিত হয়ে
 চিবুক ধরিয়া মুখে চুম খায় ।

মাই খেতে খেতে ঘুমাইল যাই,
স্নেহের অঞ্চল পাতিয়ে তায়
শোয়াইয়া কাছে আপনি শুইলা,
মশাটি মাছিটি না পড়ে গায় ।

কেঁদে ওঠে শিশু ঘুমের মাঝারে,
(জননীর চোখে ঘুম নাহি হয় !)
অতর্কিত ভাবে—নয়ন মুদিলে,
শিহরিয়া ওঠে যাই সাড়া পায় ।

দেখে চারু শোভা চাহিয়া চাহিয়া
(সে মুখ-কমল অতুল ধরায় !)
মল মূত্রে তিতি—স্নেহের অঞ্চলে
শোয়াইয়া রাখে, পাছে ক্লেশ পায় ।

জননীর স্নেহ—সন্তানের তরে
ঝরে অবিরল—যেন নির্ঝরিনী,
স্নেহময়ী মাতা—অতুলিত স্নেহে—
তোষেন সন্তানে দিবস যামিনী ।

কি দিব তোমার প্রেমের তুলনা ?
অতুল সে প্রেম—অসীম-অপার !

দয়াময়ি—মাগো ধন্য তব দয়া,
দয়াঘন হেন কেবা আছে আর ?

শোকাশ্রু !

(প্রিন্স ভিক্টরের মৃত্যু উপলক্ষে)

কি কঠিন হিয়া তোর—রে নিষ্ঠুর কাল !
এমন স্নেহের কলি, রস্তু হ'তে ছিঁড়ে নিলি,
তোর বিচারেতে বুঝি নাহি কালাকাল ?
পুত্রশোকে পাগলিনী হারিয়ে নয়নমণি !
বিহঙ্গিনী ছটফট করে যে প্রকার,
শাবক বিহনে তার,— ঠিক সেই দশা মা'র
শূন্যময় দেখিছেন সমগ্র সংসার !
বাজিছে বিষম বাজ, সংজ্ঞাহীন যুবরাজ,
হায় কি ঘটিল আজ ! রাজা হবে রাম,
সে রাম অবোধ্যা ছাড়ি বনে গেল ! ঘরবাড়ী
অট্টালিকা—কিছুনয় !—কিধি যারে বাম ।
হ'ক না ধরণীপতি এড়াবে যে কি শক্তি,
বিধির অলঙ্ঘ্য বিধি লঙ্ঘিবার নয় !

কে জানিত বিধি শেলে দ্বিতীয়ার চাঁদ ছেলে
 জনকেরে ফাঁকি দিয়ে যাবে এ সময় ?
 সত্তর হয়েছে পার, বৃদ্ধা পিতামহী তাঁর,
 ভানু অন্ত নাহি যায় রাজ্যোতে বাহার,
 তরুণ অরুণ সম নাতি—রূপে-অনুপম,
 হারায় সে ধনে আজ জগৎ আঁধার,
 দেখিছেন বর্ষায়সী,— রাজসিংহাসনে বসি
 নারিলেন শমনেরে করিতে দমন,
 নিয়তির কাছে আর, আছে কিরে প্রতীকার,
 যমদণ্ড এড়াইতে পারে কোন্ জন ?
 ওই দেখ রাজবালা, গলায় পরাবে মালা,
 আশা করে বসে আছে তার প্রতীক্ষায়,
 কোণায় সে আশা হয় ! পরিণত নিরাশায়
 কে বুঝিবে প্রাণে আজ কি বিষম জ্বালা ?
 সকলি স্বপনবৎ প্রহেলিকা-এজগৎ
 নশ্বর—ক্ষণ-ভঙ্গুর মানব শরীর—
 রাজ্যাস্বর্ঘ্য বীর্ঘ্যবল পদ্বপত্রে যেন জল,
 টলমল করে সদা নহে ক্ষণ স্থির !
 কিবলে প্রবোধি মনে, প্রবোধ মানে কেমনে
 কালে হইবেন যিনি—রাজরাজেশ্বর,—

তিনি আজ তিরোহিত ! যেন চির-পরিচিত
 কি মিষ্ট চেহারাখানি অতি মনোহর !
 ভ্রমণে ভারতে এসে সুবিশাল দূর দেশে
 প্রজার অবস্থা সব নিরখি নয়নে,—
 গিয়েছেন সেইদিন, এখনো হয়নি লীন,
 দেখিতেছি যেন ছবি হৃদয় দর্পণে ।
 স্মরিয়ে সে সব কথা মরমে পাইছে বাণা
 ভারত—কেমনে তাঁরে পাসরিবে হায় !
 তাঁহার অভাবে আজ, বাঙ্গালা বসে মাদ্রাজ,
 গভীর শোকেতে মগ্ন রয়েছে সবায় ।
 ওই সে বিলাপধ্বনি তুলিতেছে প্রতিধ্বনি
 পর্বত গহ্বরে পশি—নিবিড় গহনে,
 পশু পক্ষী তরুলতা কেহই কহেনা কথা,
 নীরবে রয়েছে সবে বিষন্ন বদনে !
 ভারতের নরনারী, উৎসব আনন্দ ছাড়ি,
 ধরিয়াছে শোকচিহ্ন জাতি নির্বিশেষে,
 ইংরেজেরা কালফিতা, দেশীয়েরা দেশীপ্রথা
 অহুযায়ী আচরণ করিছেন বেশে ।
 কোটি প্রাণে মিলি আজ কর সবে এই কাজ,
 মায়েরে সান্ত্বনা দেও—শোকের সময়,

শুনিলে প্রজার কথা কিঞ্চিৎ মনের ব্যথা
 উপশম হবে তাঁর,—কহিলু নিশ্চয় ।
 বিশ্ব-জননীর কোলে গেছেন তোমার ছেলে
 দূরে ফেলে যত কিছু অনিত্য অসার,
 জরা-মৃত্যু নাই যথা, শাস্তি প্রেম পবিত্রতা,
 নিত্য নিকেতনে সুখ-আনন্দ অপার !
 এহেন দেশে যে যায় আর কি সে ফিরে চায়
 (এ) পাপ-মরুভূমী পানে, অশাস্তি-আলয়
 ছাড়ি গেলে একবার, দূরে যায় হুঃখভার,
 কি এক স্বর্গীয় সুখে মগন হৃদয় !
 অমৃতধামের যাত্রী, যাইতেছে দিবারাত্রি,
 সুযোগ ঘটিলে কেহ থাকিতে না চায় ;
 কাটি মহা মোহপাশ, চলে যায় স্বর্গবাস,
 প্রবাসের ধন মান সব ঠেলি পায় ।

স্বর্গের ফুল ।

বাসন্তী পূর্ণিমা শেষে বালক বালিকা বেশে
 দেখেছিলু স্বর্গের ফুল ।
 ফোটেনি সংসারে তারা এমন পবিত্র যারা
 ফুটিবে কি ? এ যে মহাভুল !

[illegible]

টাদের অমিয় হাসি, তরল লাবণ্য রাশি,
বাডাইল শোঁক আমাদের।

সরোজ ইন্দুর কথা। মনে হলে পাই ব্যথা,
তারাতো রয়েছে মহান্মথে।

জনক জননী বারা, কেঁদে কেঁদে হ'ল সারা,
আমরাও অশ্রু ফেঁলি দুখে ।

সরোজ মধুর বোলে 'মাসিমা মাসিমা' ব'লে
করেছিস কত আবদার ।

সোণার কমল মুখে দিছি চুমু কত স্নেহে
আজ তই আয়না আবাব ।

সুচারু লাবণ্য মাখা, স্মৃতির কিরণে আঁকা,
চাঁদ মুখ দেখিবারে সাধ ।

আগ্ননা সোণার ছেলে অভিমানে হেলে ছলে
যুচে থাক ঘোর অবসাদ ।

চঞ্চল আঁখির কোলে হাসির বিজলী থেলে
স্নেহে মাথা—করে ঢল ঢল।

দেখিব কি আর বার ? প্রাণ-কাড়া হাসি আর,
রাঙা দুটী বিমল কপোল ।

আধ আধ ভাঙ্গা সুরে বলিবি কি ধীরে ধীরে
 “মাসিমা দাওনা সাদাফুল !”
 উদিলে সোণার শশী, হাসিভিস্ চাকু হাসি
 তাদেখে হাসিত-তারাকুল ।

* * * *

উছাসে হইয়া সারা ডাকিভিস্ “আয় তারা
 আয় চাঁদ আয় মোর কাছে ।”
 ডেকে ডেকে শ্রান্ত হয়ে মোর কোলে মাথা থুয়ে
 ঘুমাইয়া পড়েছিলি শেষে ।
 ঘুমন্ত সে চাঁদ মুখে দিয়েছি মোহাগে স্নেহে
 শত শত স্নেহের চুষন ।
 সরোজ ! সোণার ছেলে অতীতের কথা তুলে
 পাই প্রাণে বিষম বেদন ।
 ‘কোথা তুই’ ‘কোথা তুই’ স্বর্গের ফুল,
 কে আমি হেথায় ব’সে হইরে আকুল !
 থাক স্নেহে—মহা স্নেহে
 জননীর স্নেহ বুকে
 পাষাণে বাঁধিয়া বুক বলিহু আবার,
 থাক স্নেহে অতিদূরে—সরোজ আমার !
 সরোজ !

তোরি ছোট বোন্ ইন্দু তোরি সনে আছে
আদরে সোহাগে তায় রেখো কাছে কাছে ।

এক বৃন্তে ছুটি ফুল

কোথা আর পাব তুল

স্বরগের কুঁড়ি তোরা—স্বরগের ফুল,

কে আমি হেথায় ব'সে হইরে আকুল !

শত মন্দাকিনী ধোয়া তোরা ছুটি ফুল,

কে আমি হেথায় ব'সে হইরে আকুল ?

থাক সুখে-মহা সুখে,

জননীর মেহ-বুকে

পাষণে বাঁধিয়া বুক বলিহু আবার,

থাক সুখে অতি দূরে সরোজ আমার ।

লর্ড টেনিসন্ ।

অমূল্য রতন আজ হারালে ব্রিটন !

এ রতন যুটী আর খুঁজে পাওয়া ভার,

বহু তপস্যায় হয় অদৃষ্টে মিলন,

সহজে রতন হেন ভাগ্যে ঘটে কার ?

কাল-রাহ্ গরাসিল অকলঙ্ক শশী,
কর হানি বুকে মায় কাঁদিছেন বসি !

সমস্ত প্রকৃতি যেন নিস্তব্ধ নীরব !
পশু পক্ষী তরুলতা বিষাদে মলিন,
কিসের অভাবে আজ নর নারী সব—
শাস্তিহারা একেবারে—শোকের অধীন ?
কে যেন আঁধারি তারে গেছে কোন্ দেশে,
অকূলে ব্রিটন আজ বেড়াইছে ভেসে !

আর্তনাদ করে মায়—হায় হায় হায় !
এমন সোণার চাঁদ চলে যায় যার,
সান্ত্বনা কি মানে মনে প্রবোধিলে তায় ?
মা'র প্রাণ পুত্রশোকে করে হাহাকার !
সম্মুখিতে নারি শোক কাঁদিছে জননী—
কোথা গেলি টেনিসন্ আয় যাছমনি ?

ব্রিটনের ঘরে ঘরে কত নর নারী
ফেলিছে শোকাশ্রু আজ কবীশের তরে,
মহারানী ভিক্টোরিয়া—নয়নের বারি।
ফেলিছেন তার লাগি,—ব্যথিত অন্তরে !

রাজ-পরিবার আজ শোকেতে মগন,
কবীন্দ্রের মৃত্যুকথা করিয়ে শ্রবণ ।

ভারতে ভারতী লয়ে বীণাযন্ত্র করে
গাইছেন শোকভরে বিষাদের গান,
শ্রবণে বিলাপগীতি যুগ আঁখি বরে,
গ'লে যায় সে গাথায় হিমাদ্রি পাষাণ !
জাহ্নবী যমুনা যেন শোকেতে আকুল,
তুলিছে বিষাদ গান—কুল কুল কুল !

টেনিসন্—চিরদিন জাতি নির্বিশেষে
চারি মহাদেশে পূজা করিবে তোমায়,
যে নাম রাখিলে তুমি স্বদেশে বিদেশে,
গাইবে তোমার গুণ কোটি রসনায় ।
মহাকবি মিল্টন্ সেক্সপীর পাশে
তব স্বর্ণ সিংহাসন আছে স্বর্গবাসে ।

ওই দেখ সুরগণ স্বর্গীয় গ্রন্থনে
গাঁথিয়ে অপূর্ব হার,—গলে পরাইতে
এনেছেন উপহার,—মুগ্ধ তব গুণে,
তাই এসেছেন তাঁরা আদর করিতে ।

অতুল কবিত্বশক্তি নিরখি তোমার
দিগেছেন দেবতারা দিব্য উপহার ।

হে ব্রিটন,—কাঁদিও না, মোছ অশ্রুধার,
টেনিসন্ এতদিনে হ'লেন অমর ;
মরিলেই পুত্রশোক,—তবে কেন আর
অমরের তরে এত হয়েছ কাতর ?

দুঃখ-স্মৃতি ।

আহা কি দুখের স্বপ্নে অবশ হইল প্রাণ !
আশা-সুখ এসে কবে জাগাইবে সুপ্ত গান ?

স্মরতি মাথিয়া গায়

বহিছে মৃদল বায় ;

গাহিছে বিহঙ্গগণ সুললিত তানে,
পূর্ব-স্মৃতি এনে তারা দিল এ পরাণে ।

মনে পড়িতেছে সেই শৈশব-আলয়,
যেখানে আছেন মোর পিতা স্নেহময় !

হাসিছে টাঁদিমা নিশি

মধুর মধুর হাসি,

তাই মনে পড়িতেছে সে মধুর হাসি,
যে হাসি ঢালিয়া দিত প্রাণে সুধারাশি ।

সেই যে জোছনা রেতে ভাই বোনে মিলি
গাহিতাম কত গান প্রাণ মন খুলি ;
আমাদের গান শুনি,
পিতার পরাগ খানি
যাইত যে একেবারে বিগলিত হ'য়ে,
উথলিত সুখ-সিন্ধু তাঁহার হৃদয়ে !

পিতা মাতা, ভাই বোনে, মিলি একসনে,
ছিন্ন মোরা অতি সুখে মায়ের যতনে ।
হুথেরি জনম যার,
এত সুখ কভু তার
ঘটে কি কপালে হয় ! তাই মাতৃধনে
অকালেতে হরে নিল নিষ্ঠুর শমনে !

নিষ্ঠুর শ্রাবণ মাসে পূর্ণিমা তিথিতে,
ভাই বোন পাঁচ জনে অকূলে ভাসাতে,
হরে নিল জননীয়ে ;
(তাই) ভাসিতেছি হুখ-নীয়ে,

(তাই) ভাই বোন হ'তে আমি আছি বহুদূরে ;
কে আসি প্রবোধ দিয়ে তুষিবে আমারে ?

যে দিন হয়েছি আমি সংসারে ছুধিনী,
যে দিন হরিল কাল আমার জননী,

আজ সেই দিন হয় !

পর্যণ যে ফেটে যায়

কোথা মা ! বারেক তুমি দেও দেখা মোরে,
জুড়াই তাপিত প্রাণ দেখিয়ে তোমারে ।

স্নেহময় ! প্রেমময় ! ওহে দয়াময়,

কোথা দেব ! কোথা তুমি ? এস এ সময় ?

আজ এ অবশ প্রাণে

শান্তি-সুখা বরিষণে,

কর পিতঃ শান্তিময় জীবন আমার ;

তুমি বিনা ছুধিনীর কেবা আছে আর ?

বৃন্তচ্যুত আজ বঙ্গের বঙ্কিম

তাই বঙ্গ শোকময় ।

প্রতিভায় যেন প্রদীপ্ত তপন,

স্নিগ্ধতার—শশধর ;

রবি শশী দুই একাধারে যেন

বিরাজিছে নিরন্তর ।

সাহিত্য-সমাজে সবার অগ্রণী,

শিক্ষিত সমাজে বড় ;

কবির সমাজে কবি চূড়ামণি,

বিচারে প্রবীণ দড় ।

এহেন রতন হারায়ে জননী

শোকেতে পাগল পারা,

বঙ্কিমের স্থান কে পূরাবে আর ?

নিবিল উজল তারা ।

পূর্ণিমার চাঁদ শূন্য করি দিক্

তিরোহিত একবারে,

অঞ্চলের নিধি কেড়ে নিল কাল

ধরা পূর্ণ হাহাকারে !

বাণ্ড সুর প্রে, অনিত্য শরীর

পুড়ে যাক্ চিতানলে ;

আত্মা অবিনাশী, নিত্য স্মৃতে ভাসি,
মিশুক অমর দলে ।

নন্দন কাননে আনন্দে বিহার
কর স্মৃতে অহুদিন,

মায়াব বন্ধনে বন্ধ নহে জীব
সেথায় চির স্বাধীন ।

জরা মৃত্যু শোক অতীত সে দেশ
অনন্ত স্মৃতির খনি,—

সুধার ভাণ্ডার খুলিয়ে তোমায়
দিবেন বিশ্ব-জননী ।

বঙ্গের বঙ্কিম হ'লে বরগীষ
চির স্মরণীয় ভবে,

তোমার গৌরব গাইবে ভারত
শত কণ্ঠে উচ্চরবে ।

ভাবী বংশধর ভুলিবে না কভু
অক্ষয় বঙ্কিম নাম ;

বিশ্বয়ে মগন স্মৃতিবে সকলে
স্মরি তব গুণগ্রাম ।

কোথায় সে ব্রত, কোথায় সেদিন,
হৃদীনে কে পারে চায় !
(আজ) ভারতের নারী ব্রত পরিহরি
ব্রত ভোগবাসনায় ।

বিদ্যুৎ অনেক আছেন রমণী
কিন্তু সে হৃদয় কই ?
পর দুঃখ দেখে কাঁদে কার প্রাণ ?
ভেবে ভেবে ক্ষুধাই !

হৃদয়-কাননে জ্ঞানের গ্রন্থন
কুটিতেছে দিন দিন,
কিন্তু সে মমতা সে মহাপ্রাণতা
বিস্মৃতি-সাগরে লীন !

পায় পড়ি বোন, শোন ছোটো কথা
যদি ভাল লাগে মনে,
তবে দিস্ কান, ভায়ের কথা
বধির রবি কেমনে ?

আর্য্য নারীগণ যে ব্রত পালনে
এ দেহ করেছে পাত,
সে ব্রত আবার করিয়ে গ্রহণ
পাল বোন দিন রাত ।

ভালবাসা দিতে জনম নারীর,
জীবন পরের তরে,
পরহিত রূপ মহা সাধনায়
সাধ সবে ঘরে ঘরে ।

প্রেমের প্রতিমা স্নেহের পুতলি
 দয়ার আধার তোরা ;
 তোরা না করিলে দীনের কল্যাণ
 কোথা যাবে অন্ধ খোঁড়া ?

তাই বলি বোন্‌ স্কুদ্র সীমা ছাড়ি
গঙীর বাহিরে আয়,
বিশ্বপ্রেমে প্রাণ ঢেলে দে সবাই
মাতিয়ে পর-সেবায় ।

বটলার হয়ে অভাগিনীদের
ফিরাও কুপথ হতে,
ফাউলার হয়ে যাও দূর দেশে
রোগী-সেবা মহাব্রতে ।

অঙ্গের ভূষণ করিয়ে বিক্রয়
 হুর্ভিক্ষেতে কর দান,
 দেখুক জগৎ কেমন উদার
 ভারত নারীর প্রাণ ।

দেখিয়ে তোদের পরহিত ব্রত
 স্নকবি গাঁথিয়ে গাথা,
 শুনাক সবারে দেশে ও বিদেশে
 তোদের গুণের কথা ।

“নব্যা রমণীরা ভোগ বিলাসিনী
 আহা কি কঠিন প্রাণ !
 পর ছুঁথ হেরি নহে সে কাতর
 কপর্দক নাহি দান ।”

এ ছুর্নাম আর সহিতে যে নারি
 রমণীর কুৎসা গান !
 বুঢ়া একলক্ষ জগতের কাজে
 দিয়ে স্বার্থ বলিদান ।

আসিবে সেদিন পরহিত-ব্রত
 পালন করিবে সবে,
 আবার তাহারা রমণী-সমাজে
 আদর্শ হইবে ভবে !

বরষাকাল ।

আসিল বরষাকাল নিদাঘের অবসানে,—
 মেঘে আবরিল নভস্তল ;
 ভানুর তপত কর দগধ না করে তনু,
 আকাশ ভাঙ্গিয়া পড়ে জল ।

থানা থন্দ—জলাশয় জলে পরিপূর্ণ সব,
 নদ নদী স্ফীত-কলেবর ;—
 ধাইছে সিন্ধুর পানে উল্লাসেতে নৃত্য করি,
 কি সুন্দর খেলিছে লহর !

ফুটিছে কমল-কলি নির্মল সরসী-জলে,
 বায়ু ভরে হুলিছে মৃণাল ;
 সে দৃশ্য কি মনোহর— নিরখি নয়ন ভোলে !
 জল কেলি করিছে মরাল ।

পাণিকোট ডুব দেয় দেখিয়ে বালক দল
 আনন্দেতে দেয় করতালি ;
 ভাসিয়া উঠিছে পুনঃ পুকুরের মাঝ খানে,
 সাবাস পাখীর চতুরালি !

মাছরাঙ্গা শূত্রে থাকি তাকাইছে মাছ পানে,
 অবশেষে লক্ষ্য করি স্থির ;
 ছোঁ দিলে সে চঞ্চুপুটে— ধরিছে অমনি তায়,
 কে দেখেছ হেন মহাবীর !

কুমুদ মুদিয়ে আঁখি আছে কাল-প্রতীক্ষায়—
 কখন আসিবে বিভাবরী ?
 মধুর মিলনে আজ মিটাইবে মনসাপ,—
 স্মৃখী হবে প্রিয়তমে হেরি ।

শীতল হয়েছে ধরা এবে বহুদিন পরে,
 পরিয়াছে কি সুন্দর সাজ !
 সবুজ পাতায় তরু ঢাকিয়াছে কলেবর,
 বিভূষিত বিজন সমাজ ।

ক্ষেত মাঠ ধানভরা মূর্তিমতী লক্ষ্মী যেন
 বিরাজিছে সুদূর প্রান্তরে,
 স্বভাবের চারু শোভা— কেড়ে লয় দেহ মন !
 ঢেলে দেয় কি সুখ অন্তরে ।

ডিক্কিনাও বেয়ে যায় ধান-ক্ষেত মাঝ দিয়া,—
 নৌকা পথ—সংকীর্ণ সে অতি ;
 গাঁয়ের ইতর লোক— হাট ও বাজার করে,
 নাও ভিন্ন নাহি আর গতি !

জাগাইয়া দেয় স্মৃতি শৈশবের লীলাভূমি—
 জন্ম স্থান—সেই পাড়া গাঁয়,
 সুহৃদ সকলে মিলি কত না করেছি খেলা—
 জল-ডুবা মাঠে,—চড়ি নায় ।

থেকে থেকে কোঁড়া পাখী ডাকিত সে ধান-ক্ষেতে,
 নায় বসি শুনিভাম সুখে ;
 কোথায় সে দিন আহা ! আসিবে কি কিরে পুনঃ ?
 নিরখিব হাসিভরা মুখে ।

ভেকের আনন্দ বড় গাইছে নিয়ত তারা,—
 আনন্দেতে কি অপূৰ্ণগীত !
 উচ্চ রবে সবে মিলি, পুকুরের কোণে বসি
 চিত্ত মন স্বরে বিমোহিত !

ঝাঁকে ঝাঁকে আসে জল, আবার সে থেমে যায়
 বরষিয়া—কিছুকাল পরে ;
 কখন মুঘল ধারে— ঝরিতেছে অবিরল,
 ঝরণার জল যেন ঝরে !

অনলের কণা সম— খরতর রবিকরে
 পুড়িয়াছে সমস্ত শরীর ;
 কে আবার দয়া করি— জুড়াইলা অভাগারে,
 ঢালি তাহে শুশীতল নীর ?

এমন দয়াল যিনি নমি তাঁর শ্রীচরণে—
 বার বার,—অসীম দয়ার—
 কি দিব তুলনা আমি ? অতুল সে এ জগতে !
 তুলা দিতে নাহি কিছু আর ।

দার্জিলিং ।

এমন অপূৰ্ণ শোভা দেখিব কি আর !
 চৌদিকে অচলাবলী, উন্নত শিখর তুলি,
 অনন্ত মহিমা কার করিছে প্রচার ?
 তরুণ অরুণ করে, রতন মুকুতা ঝরে,
 মরি মরি কি সৌন্দর্য্য বলা নাহি যায়,
 বিচিত্র বরণে আঁকা, যেন গো ময়ূরপাখা,
 আঁকিয়া রেখেছে শৈল চূড়ায় চূড়ায় !
 কাঞ্চন-ধবলা গিরি, কি সুন্দর মরি মরি !
 তুষার-মণ্ডিত শিরে সোণার কিরীট,
 যেন গো শোভিছে তায়, কিরণ পড়িয়ে গায় !
 উচ্চতায় কে বলিবে ক'হাজার ফিট ?
 নিম্ন উপত্যকা পানে বারেক তাকালে, প্রাণে
 কি এক অপূৰ্ণ ভাব উপজে তখন ;
 বুঝি সে পাতালপুরী, অযুত ভূধরে পুরি,
 নয়ন রঞ্জিতে বিধি করিলা সৃজন !
 'বার্চহিল' দেখিবারে, চাহে মন বারে বারে
 যাইলু সেথায়,—স্থান অতি নিরজন,

পার্বত্য তরুরাজি, অপরূপ রূপে সাজি,
 বিরাজিছে নন্দনের যেন কুঞ্জবন ।
 সুন্দরী প্রকৃতি সতী, গম্ভীর প্রশান্ত অতি,
 মূর্তিমতী দেবী যেন করে বিচরণ,
 না জানি ভাবুক জনে, ভুলায় কি প্রলোভনে ?
 সংগোপনে কেড়ে লয় হৃদি প্রাণমন ।
 ‘জলা পাহাড়ের’ পর, প্রাণমন মুগ্ধকর,
 দেখিহু যে দৃশ্য তাহা না যায় বর্ণন,
 গা’ ঘেসিয়া মেঘ যায়, বহিছে শীতল বায়
 ভাবের তরঙ্গ মাঝে ডুবে গেল মন !
 ‘ভিক্টোরিয়া ফল’ হেরি, আনন্দে হৃদয় ভরি,
 গেল যে আমার,—কত ভাবের লহরী
 খেলিছে পরাণ মাঝে, ধন্ত সেই বিশ্বরাজে
 . ধন্ত তাঁর সুকোশল—ধন্ত কারিকরী !
 বহিছে অজস্র ধারা— রজত শ্রোতের পারা,
 মাতোয়ারা ঝরু ঝরু রবে জিভুবন !
 ভকতি রসেতে মন— ডুবে থাকে অলুক্ষণ,
 (হেরি) পাষণ বিদারি বারি হতেছে পতন !
 ‘অজারভেটরি হিল’ উরধে অনন্ত নীল
 নিম্নেতে সহরখানি পাহাড়ের গায়,

মরি কি অতুল শোভা, দর্শকের মনোলোভা
 চেয়ে থাকে আনমনে চিত্রার্পিত প্রায় !
 চৌরাস্তায় সন্ধ্যাবেলা, প্রবাসী মিলায় মেলা
 পুরুষ রমণী কত বসি হৃষ্টমনে,
 লভেন বিশ্রামস্থ, সন্তোষে মাথানো মুখ
 'ব্যাণ্ড' বাজে—সুধারস সিঞ্চয় শ্রবণে ।
 পাহাড়ী লোকেরা সবে, সুধাইছে-কুলী লবে ?
 প্রফুল্ল আনন অতি প্রশান্ত প্রকৃতি,
 কাজে ব্যস্ত অনুক্ষণ, বড়ই সরল মন
 কার্যক্ষম সমতুল্য পুরুষ প্রকৃতি ।
 বেণী পৃষ্ঠে লম্বমান, নরনারী হু'সমান
 রমণীরা বস্ত্রফুলে সাজাইছে বেণী,
 দেখিতে সুন্দর অতি, সরলতা মূর্তিমতী,
 কি ছার তাহার কাছে হীরা মুক্তা মণি ।
 অসভ্য বর্কর বটে, জ্ঞানবুদ্ধি নাহি ঘটে,
 কিন্তু অকপট ভাব সকলেরি মনে ;
 জানে ভদ্র ব্যবহার, নাহি করে অপকার,
 করিবে পরের সেবা খাটি প্রাণপণে ।
 দার্জিলিং দরশনে, যে ভাব উদ্বিগ্ন মনে,
 স্রবণেতে সুখ-সিদ্ধ উথলে আমার,

হিমাচল নমে যারে, নতশিরে সে ধাতারে,
একান্তে ভকতি ভরে করি নমস্কার ।

শরৎকাল ।

কি মোহন সাজে প্রকৃতি সুন্দরী
সাজিছে শরতে, তরুলতা বন,
সবুজ রঙ্গের শাড়ী খান পরি
মোহিত করিছে মনুজের মন !
নাহি ঘন ঘটা প্রারুটে যেমন,
সুন্দরী অধর, অনন্ত প্রসার—
সুধাকর করে—শোভিছে কেমন,
আনন্দে মগন নিখিল সংসার !
শোভার ভাঙার বিশাল মেদিনী
ধন ধাত্তে আজ তুষ্টিছে অন্তর,
মোহিছে মানস ভুবনমোহিনী,
স্বভাবের শোভা—মরি কি সুন্দর !
শারদ-উৎসবে পতিব্রতা সতী
প্রতীক্ষা করিছে পতি আগমন;
সহস্র পরে হেরি সে মুরতি
আনন্দ-সাগরে হইবে মগন !

স্নেহময়ী মাতা আছে পথ চেয়ে
 কখন আসিবে অঞ্চলের ধন ?
 বহুদিন পরে হারানিধি পেয়ে
 সে চাঁদ বদন করিবে চুশন ।
 তনয় তনয়া ঝাঁপ দিয়ে কোলে
 উঠিবে কখন ?—ভাবিয়া আকুল !
 ওই বুঝি এল 'বাবা বাবা' বলে
 ছুটে যায় বেগে তটিনীর কূল ।
 নানা জাতি ফুল,—রয়েছে ফুটিয়া
 পাদপ-জড়িতা—লতিকার গায়,
 ভোমরা আসিয়া লইছে লুটিয়া
 মধু পিয়ে মত্ত, গুন গুন গায় ।
 বিজনে বসিয়ে করিছে কুজন
 ঘুঘু পাখী,—কিবা স্নমধুর স্বর !
 করিয়ে শ্রবণ ভাবুক স্রজন
 ভাবেতে বিভোর, মোহিত অন্তর !
 এমন শরৎ সৃজিলেন যিনি ,
 না জানি সে জন কতই স্নন্দর !
 কিবা স্ননিগুণ তাঁহার লেখনী
 বলিহারি যাই,—ধন্য শিল্পিবর !

দাদাভাই নোরজি ।

ওই যে মহাত্মা—দীর্ঘ আশ্রমধারী,
 প্রশস্তললাট বিশালনয়ান,
 সুধীর প্রবীণ গম্ভীর-প্রকৃতি
 তেজস্বী পুরুষ—ভারত সন্তান !
 উদার নীতির পূর্ণ অবতার,
 জীবনের ব্রত—জগতের হিত,
 বিশ্বপ্রেমে যার বিগলিত মন,
 পার্লেমেন্টে আজ তিনি মনোনীত !
 ভারত মাতার—অমূল্য রতন !
 বসেতে জনম—নাম দাদাভাই,
 বাড়ালেন কত দেশের গোরব,
 এস সবে মিলি তাঁর গুণ গাই ।
 এমন সুদিন কবে হবে আর ?
 স্বর্ণাক্ষরে লিখে রাখ ইতিহাসে,
 “পার্লেমেন্ট”—মহাসভাতে মেস্বার
 দাদাভাই আজি ইংলণ্ড প্রবাসে !
 এ আনন্দ হৃদে ধরে না যে আর,
 আশার স্বপন হইল সফল,

একস্থলে বাঁধা ইংলণ্ড ভারত,—
 এ হতে সুখের কিবা আছে বল !
 সভ্যতম জাতি বাঁহারা জগতে,
 তাঁহাদের সভা কম কথা নয় !
 সে সভাতে আজ ভারতসন্তান,
 ভাবিলে কাহুর না হয় বিশ্বয় ?
 ভারতের ভাগ্যে ঘটে নাই আর,
 অঘটন আজ হ'ল সংঘটন,
 কোটকণ্ঠে গাও—ভিক্টোরিয়া জয়
 কাঁপায়ে মেদিনী—কাঁপায়ে গগন !
 বাঁহার ইজিতে সমগ্র পৃথিবী
 চালিত হ'তেছে অপূর্ব কোশলে,
 সে মহাসভায় প্রজার প্রবেশ,
 একমাত্র সেই প্রতিভার বলে ।
 ধন্য ধরাতলে ইংরেজসমাজ,
 সাম্য নীতি যার মূলমন্ত্র সার,
 তাহার মতন উদার প্রকৃতি—
 এজগতে বল কেবা আছে আর !
 স্বাধীনতা-রত্ন অঙ্গের ভূষণ,
 মানসিক বল—জীবন সঞ্চল,

